

Godina III - Broj 33

Petak, 25. novembra/studenog 1994.
SARAJEVO

Akontacija preplate
se utvrđuje
kvartalno

466

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O POTVRDIVANJU UREDBI SA ZAKONSKOM SNAGOM

Proglašava se Zakon o potvrđivanju uredbi sa zakonskom snagom, koji je Skupština Republike Bosne i Hercegovine donijela na sjednici Skupštine od 7. novembra 1994. godine.

PR broj 1709/94
24. novembra 1994. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON

O POTVRDIVANJU UREDBI SA ZAKONSKOM SNAGOM

Član 1.

Potvrđuju se uredbе sa zakonskom snagom koje je Predsjedništvo Republike Bosne i Hercegovine donijelo na osnovu Amandmana LI tačka 5. stav 3. na Ustav Republike Bosne i Hercegovine u funkciji Skupštine Republike Bosne i Hercegovine, i to:

1. Uredba sa zakonskom snagom o provođenju Odluke republičkog referenduma ("Službeni list RBiH", broj 3/93),
2. Uredba sa zakonskom snagom o dopuni Uredbe sa zakonskom snagom o službi u Armiji Republike Bosne i Hercegovine ("Službeni list RBiH", broj 14/94),
3. Uredba sa zakonskom snagom o promjeni vrijednosti dinara ("Službeni list RBiH", broj 16/94),
4. Uredba sa zakonskom snagom o uslovima pod kojima se prava i obaveze i poslovi u zemlji mogu izvršavati i izražavati u stranim sredstvima plaćanja ("Službeni list RBiH", broj 16/94),
5. Uredba sa zakonskom snagom o izmjenama i dopunama Uredbe sa zakonskom snagom o službi u Armiji Republike Bosne i Hercegovine ("Službeni list RBiH", broj 16/94),
6. Uredba sa zakonskom snagom o izmjenama i dopunama Zakona o osnovnim svojinsko-pravnim odnosima ("Službeni list RBiH", broj 18/94),
7. Uredba sa zakonskom snagom o izmjenama i dopunama Zakona o prometu nepokretnosti ("Službeni list RBiH", broj 18/94),

8. Uredba sa zakonskom snagom o izmjenama i dopunama Zakona o primjenjivanju zakona o prometu nepokretnosti za vrijeme ratnog stanja ili u slučaju neposredne ratne opasnosti ("Službeni list RBiH", broj 18/94),

9. Uredba sa zakonskom snagom o izmjeni Uredbe sa zakonskom snagom o primjeni Uredbe sa zakonskom snagom o računovodstvu za vrijeme ratnog stanja ili u slučaju neposredne ratne opasnosti ("Službeni list RBiH", broj 19/94),

10. Uredba sa zakonskom snagom o amnestiji ("Službeni list RBiH", broj 20/94),

11. Uredba sa zakonskom snagom o zaduživanju RBiH kod Narodne banke BiH u periodu april-juni 1994. godine,

12. Uredba sa zakonskom snagom o izmjenama Uredbe sa zakonskom snagom o amnestiji ("Službeni list RBiH", broj 22/94),

13. Uredba sa zakonskom snagom o izmjenama Uredbe sa zakonskom snagom o amnestiji ("Službeni list RBiH", broj 23/94),

14. Uredba sa zakonskom snagom o prestanku važenja Zakona o prodaji robe za strana sredstva plaćanja ("Službeni list RBiH", broj 25/94),

15. Uredba sa zakonskom snagom o prestanku važenja Zakona o plaćanju posebne dažbine za izravnavanje poreskog opterećenja uvezene robe ("Službeni list RBiH", broj 25/94),

16. Uredba sa zakonskom snagom o prestanku važenja Zakona o posebnoj taksi na uvezenu robu ("Službeni list RBiH", broj 25/94),

17. Uredba sa zakonskom snagom o izmjenama i dopunama Zakona o porezima građana ("Službeni list RBiH", broj 25/94),

18. Uredba sa zakonskom snagom o izmjenama i dopunama Zakona o tarifi republičkih administrativnih taksa ("Službeni list RBiH", broj 25/94),

19. Uredba sa zakonskom snagom o prestanku važenja Zakona o načinu obezbjeđivanja deviznih sredstava za odbrambene potrebe Republike Bosne i Hercegovine ("Službeni list RBiH", broj 25/94),

20. Uredba sa zakonskom snagom o izmjenama i dopunama Zakona o deviznom poslovanju ("Službeni list RBiH", broj 25/94),

21. Uredba sa zakonskom snagom o izmjenama i dopunama Zakona o prostornom uređenju ("Službeni list RBiH", broj 25/94),

22. Uredba sa zakonskom snagom o izmjenama i dopunama Zakona o okružnim vojnim sudovima ("Službeni list RBiH", broj 28/94),

23. Uredba sa zakonskom snagom o dopunama Zakona o okružnom vojnom tužilaštvu ("Službeni list RBiH", broj 28/94),

24. Uredba sa zakonskom snagom o dopunama Krivičnog zakona Republike Bosne i Hercegovine ("Službeni list RBiH", broj 28/94),

25. Uredba sa zakonskom snagom o izmjenama Zakona o primjeni Krivičnog zakona Republike Bosne i Hercegovine i Krivičnog zakona ("Službeni list RBiH", broj 28/94),

26. Uredba sa zakonskom snagom o usklađivanju novčanih kazni i drugih novčanih iznosa ("Službeni list RBiH", broj 28/94).

Član 2.

U uredbama sa zakonskom snagom iz člana 1. ovog zakona riječi: "Uredbe sa zakonskom snagom" zamjenjuju se riječima: "Zakon", a riječi: u naslovu Zakona: "za vrijeme neposredne ratne opasnosti ili za vrijeme ratnog stanja", brišu se.

Član 3.

Ovaj zakon stupa na snagu osmog dana od dana objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

467

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O PRODUŽENJU MANDATA ODBORNIKA I POSLANIKA U SKUPŠTINAMA DRUŠTVENO-POLITIČKIH ZAJEDNICA I FUNKCIONERA KOJE SKUPŠTINE DRUŠTVENO-POLITIČKIH ZAJEDNICA BIRAJU ILI IMENUJU

Prolašava se Zakon o produženju mandata odbornika i poslanika u skupštinama društveno-političkih zajednica i funkcionera koje skupštine društveno-političkih zajednica biraju ili imenuju, koji je donijela Skupština Republike Bosne i Hercegovine na sjednici Skupštine od 7. novembra 1994. godine.

PR broj 1710/94
24. novembra 1994. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON

O PRODUŽENJU MANDATA ODBORNIKA I POSLANIKA U SKUPŠTINAMA DRUŠTVENO-POLITIČKIH ZAJEDNICA I FUNKCIONERA KOJE SKUPŠTINE DRUŠTVENO-POLITIČKIH ZAJEDNICA BIRAJU ILI IMENUJU

Član 1.

Odbornicima i poslanicima u skupštinama društveno-političkih zajednica izabranim na izborima 18. novembra/studenog 1990. godine, produžava se mandat do prve konstituirajuće sjednice novoizabranih skupština, a najkasnije šest mjeseci nakon prestanka ratnog stanja.

Odredba prethodnog stava odnosi se i na funkcionere koje biraju ili imenuju skupštine društveno-političkih zajednica.

Član 2.

Ovaj zakon stupa na snagu danom objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

468

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O PREDUZEĆIMA

Prolašava se Zakon o preduzećima, koji je donijela Skupština Republike Bosne i Hercegovine na sjednici Skupštine od 7. novembra 1994. godine.

PR broj 1711/94
24. novembra 1994. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON O PREDUZEĆIMA

I - OSNOVNE ODREDBE

Član 1.

Preduzeće je pravno lice koje obavlja privrednu djelatnost radi sticanja dobiti.

Član 2.

Pod preduzećem, u smislu ovog zakona, podrazumijevaju se: dioničko društvo, društvo sa ograničenom odgovornošću, društvo jednog lica, komanditno društvo, i društvo sa neograničenom solidarnom odgovornošću članova, kao i statusni oblici povezivanja preduzeća (holding, poslovno udruženje, pul).

Član 3.

Svi oblici preduzeća upisuju se u sudski registar.

Član 4.

Preduzeća su ravnopravna u obavljanju privredne djelatnosti i u pravnom prometu.

Član 5.

Preduzeće mogu osnovati domaća i strana fizička i pravna lica.

Član 6.

Za osnivanje preduzeća koja će obavljati djelatnosti ili poslove i usluge u okviru privrednih djelatnosti koja imaju javna ovlaštenja osnivači moraju imati odobrenje nadležnog državnog organa, u skladu sa posebnim zakonom.

Odobrenje u smislu stava 1. ovog člana može se dati i preduzeću koje, pored drugih djelatnosti za koje je osnovano, prihvati da obavlja poslove i usluge javnog karaktera.

Član 7.

Banke i druge finansijske organizacije mogu se osnovati kao dioničko društvo ili kao društvo sa ograničenom odgovornošću.

Član 8.

Preduzećem upravljaju vlasnici kapitala.

Ugovorom ili odlukom o osnivanju preduzeća bliže se utvrđuju upravljačka prava.

Ako ovim zakonom nije drugačije određeno, ugovorom odnosno statutom određuju se organi upravljanja u preduzeću.

Član 9.

Preduzeće ima poslovodni organ kojeg postavlja organ upravljanja ili vlasnici preduzeća, u skladu sa ugovorom, ili odlukom o osnivanju preduzeća, odnosno statutom.

Član 10.

Radnici mogu učestvovati u upravljanju preduzećem.

U skladu sa kolektivnim ugovorom, odnosno zakonom u preduzeću se statutom ili drugim odgovarajućim aktom bliže utvrđuju prava radnika u upravljanju i način ostvarivanja prava.

II - OBLICI PREDUZEĆA

1. Dioničko društvo

1.1. Opšte odredbe

Član 11.

Dioničko društvo je preduzeće čija je osnovna glavica podijeljena na dionice.

Dioničko društvo odgovara za svoje obaveze cjelokupnom imovinom.

Član 12.

Osnovna glavica dioničkog društva se izražava u novcu. Ulozi u dioničkom društvu mogu biti u novcu, stvarima i pravima.

Član 13.

Dioničari imaju prava i obaveze utvrđene zakonom i statutom dioničkog društva.

1.2. Osnivanje dioničkog društva

Član 14.

Dioničko društvo mogu osnovati najmanje pet osnivača, pravnih ili fizičkih lica.

Član 15.

Osnovna glavica ne može biti manja od 20.000 DEM ili od protuvrijednosti 20.000 DEM u domaćoj valuti po tržišnom deviznom kursu na dan zaključivanja ugovora o osnivanju društva.

Dio osnovne glavnice u novcu ne može biti manji od 25%.

Osnovna glavica ne može se smanjivati ispod iznosa iz stava 1. ovog člana, a ukoliko se uplaćuje u domaćoj valuti obavezna je njena revalorizacija najmanje jedanput godišnje.

Član 16.

Najmanji iznos osnovne glavnice pri osnivanju banaka i drugih finansijskih organizacija određuje se posebnim zakonom.

Član 17.

Dioničko društvo osniva se ugovorom.

Ugovor se zaključuje u pismenoj formi i sadrži:

- imena osnivača,
- firmu i sjedište društva,
- djelatnost društva,

- iznos osnovne glavnice, iznos novčanog dijela, novčani iznos uloga u stvarima i pravima i način procjene tog dijela uloga, način povećavanja, odnosno smanjivanja osnovne glavnice,

- odredbe o učešću u osnovnoj glavnici, osnivačkoj skupštini, troškovima osnivanja društva, radnjama potrebnim za osnivanje društva, ovlaštenjima pojedinih osnivača do osnivačke skupštine,

- posljedice neupisivanja ili neuplaćivanja dionica (ako je u pitanju simultano osnivanje),

- sadržaj javnog poziva za otkup dionica (ako je u pitanju sukcesivno osnivanje),

- uslove i način utvrđivanja i raspoređivanja dobiti i

- druga pitanja značajna za osnivanje i poslovanje društva.

Član 18.

Kada osnivači sami upisuju dionice (simultano osnivanje) smatra se da je izvršen upis dionica u trenutku potpisivanja ugovora o osnivanju društva.

Član 19.

Upis i uplata dionica vrši se kod banke koju odaberu osnivači.

Član 20.

U slučaju neuspjelog osnivanja društva uplaćeni iznosi upisanih osnivačkih dionica vraćaju se upisivačima sa kamatom.

Sredstva za plaćanje kamate u smislu stava 1. ovog člana osnivači obezbjeđuju prinudnom naplatom utuživanjem upisnika koji ne uplate upisane dionice.

Troškove neuspjelog osnivanja društva snose osnivači prema odredbama ugovora o osnivanju društva međusobno, a prema upisivačima prema javnom pozivu solidarno.

Član 21.

Ulozi u stvarima i pravima unose se u cjelosti prije upisa dioničkog društva u sudski registar.

Smatra se da su stvari i prava uneseni u društvo ako ono može u potpunosti da ih koristi i sa njima slobodno i trajno raspolaže.

Prenos prava na stvarima, odnosno prenos samih prava na dioničko društvo upisuje se u javnu knjigu (registar).

Član 22.

Procjenu uloga u stvarima i pravima obavljaju stručnjaci ili specijalizovane organizacije - ovlašteni procjenitelji.

Član 23.

Osnivači su obavezni sazvati osnivačku skupštinu u roku od 15 dana od dana određenog za uplatu dionica.

Član 24.

Osnivačka skupština, naročito:

- utvrđuje da je osnovna glavica upisana i da je izvršena njena uplata u iznosu predviđenom ugovorom o osnivanju društva,

- prihvata ili odbija prekomjeran upis dionica ili donosi odluku o proširenju broja dioničara i iznosa upisanog kapitala,

- usvaja izvještaj osnivača o upisanim i uplaćenim ulozima i o troškovima osnivanja,

- odobrava ugovore osnivača koji se odnose na osnivanje zaključene do osnivačke skupštine,

- donosi statut dioničkog društva i

- bira upravni odbor i nadzorni odbor dioničkog društva.

Član 25.

Osnivačka skupština može da radi i donosi odluke ako joj prisustvuje najmanje onaj broj upisnika dionica koji predstavlja polovinu upisane osnovne glavnice.

Svoje odluke osnivačka skupština donosi većinom glasova prisutnih.

Član 26.

Statut dioničkog društva sadrži odredbe, o:

- firmi i sjedištu,

- djelatnosti,

- iznosu osnovne glavnice i uslovima uplate, ulozima u stvarima i pravima i procjeni njihove vrijednosti,

- dionicama: vrsti i seriji, pravima vezanim za pojedine vrste dionica, prioritnim pravima i redu njihovog ostvarivanja, raspodjeli dionica, ograničenjima prenosa dionica, sticanju sopstvenih dionica od strane društva i raspolaganju tim dionicama, povlačenju dionica,

- povećanju i smanjenju osnovne glavnice,

- načinu i rokovima objavljivanja javnog poziva za upis dionica,

- posljedicama zakašnjenja i propuštanja uplate dionica,

- podjeli dobiti i dividende,

- unutrašnjoj organizaciji društva,

- upravljanju društvom (organi, sjednice, odlučivanje),

- poslovnom organu i rukovodnim licima,

- obavještanju dioničara,

- zaštiti manjine,

- učešću radnika u upravljanju,

- statusnim promjenama društva,
- osnivanju i načinu rada arbitraže,
- drugim pitanjima značajnim za rad društva i
- izmjenama i dopunama statuta.

Član 27.

Dionice izdate na uloge u stvarima i pravima glase na ime i ne mogu se prenositi bez saglasnosti društva ili do određenog roka.

Član 28.

Društvo može izdati prioritetnih dionica do jedne trećine osnovne glavnice.

Član 29.

Društvo može steći sopstvene dionice do deset posto osnovne glavnice.

U slučaju smanjenja osnovne glavnice najprije se povlače sopstvene dionice.

Član 30.

Povjerioci mogu zahtijevati garancije i druga obezbjeđenja dospjelih ili nedospjelih potraživanja u roku od 30 dana od zadnjeg objavljivanja oglasa društva o smanjenju osnovne glavnice.

Registarski sud će izvršiti upis smanjenja osnovne glavnice nakon drugog objavljivanja oglasa iz stava 1. ovog člana na zahtjev društva uvažavajući društvu podnijete prijave za garancije i obezbjeđenja povjerilaca.

Član 31.

Pravo na obavještanje o radu društva i pravo pobijanja odluka skupštine društva pripada svakom članu.

1.3. Upravljanje društvom

Član 32.

Dioničkim društvom upravljaju vlasnici uloženog kapitala putem skupštine, upravnog odbora i nadzornog odbora.

Imalac dionica ima pravo upravljanja društvom u skupštini društva srazmjerno nominalnoj vrijednosti dionica u osnovnoj glavnici.

Broj glasova u skupštini društva za svakog dioničara utvrđuje se u procentu srazmjerno njegovom učešću u osnovnoj glavnici.

1.3.1. Skupština

Član 33.

Skupštinu dioničkog društva sačinjavaju dioničari ili njihovi predstavnici zavisno od upravljačkih prava utvrđenih statutom.

Član 34.

Osnivačku skupštinu društva sazivaju osnivači. Redovnu skupštinu društva saziva upravni odbor. Vanrednu skupštinu mogu sazvati dioničari.

Član 35.

Vanrednu skupštinu mogu sazvati dioničari koji imaju dvadeset posto dionica u društvu.

Razlozi za sazivanje vanredne skupštine utvrđuju se sa statutom društva.

Ako statutom društva nisu utvrđeni razlozi za sazivanje vanredne skupštine radi zaštite manjine dioničara, ti razlozi su:

- da se dopuni dnevni red skupštine,
- da se predsjedniku postave pitanja o stanju i radu društva na koja mora obezbijediti davanje odgovora,
- da sud odredi vještaka koji će pregledati poslovne knjige društva,
- da postavi zahtjev za likvidaciju društva, ako se zloupotrebljava pravo većine na štetu manjine, odnosno za poslovanje društva.

Član 36.

Dioničar koji ima deset posto glasova u skupštini društva može pokrenuti spor radi pobijanja odluke skupštine koja nije u skladu sa zakonom ili statutom društva.

Sporove iz člana 35. ovog zakona i stava 1. ovog člana rješava arbitraža.

Član 37.

Skupština donosi statut društva, utvrđuje poslovnu politiku, usvaja strategiju i programe razvoja, odlučuje o raspodjeli i upotrebi dobiti i pokriću gubitaka, donosi godišnji obračun društva, bira i razrješava predsjednika i članove upravnog odbora i nadzornog odbora društva, odlučuje o statusnim promjenama i promjeni oblika društva, odlučuje o povećanju i smanjenju osnovne glavnice, o pretvaranju dionica, o prestanku rada društva i drugim pitanjima utvrđenim statutom društva.

1.3.2. Upravni odbor

Član 38.

Upravni odbor je organ društva sa upravljačkim pravima utvrđenim statutom.

Član 39.

Upravni odbor ne može imati manje od tri člana.

Broj članova upravnog odbora izvan društva utvrđuje se statutom.

Sa članovima upravnog odbora zaključuje se ugovor o angažmanu.

Član 40.

Upravni odbor:

- utvrđuje prijedloge svih akata i odluka koje donosi skupština,
- postavlja i razrješava direktora,
- predlaže strategiju i programe razvoja,
- predlaže poslovnu politiku društva,
- donosi planove poslovanja društva,
- donosi opšte akte društva,
- daje upute i smjernice direktoru,
- usvaja periodične obračune i predlaže godišnji obračun društva.

1.3.3. Nadzorni odbor

Član 41.

Nadzorni odbor društva sastoji se od tri ili više članova.

Predsjednika i članove nadzornog odbora postavlja i razrješava skupština društva.

Članovi nadzornog odbora su stručnjaci za pitanja bitna za djelokrug i ovlaštenja u društvu.

Član 42.

Predsjednik i članovi nadzornog odbora za svoj rad odgovaraju skupštini društva.

Član 43.

Nadzorni odbor može sazvati vanrednu skupštinu društva.

Član 44.

Sa predsjednikom i članovima nadzornog odbora zaključuje se ugovor o angažmanu.

Ugovor o angažmanu iz stava 1. ovog člana zaključuje predsjednik skupštine i podnosi ga na saglasnost skupštini.

Član 45.

Nadzorni odbor:

- nadzire rad u društvu od značaja za zaštitu interesa dioničara (poslovanje društva, rad i odlučivanje upravnog odbora i direktora u skladu sa statutom i poslovnom politikom društva),
- analizira godišnji izvještaj o poslovanju društva i godišnji obračun,
- daje prijedloge skupštini u okviru vršenja nadzora,

- podnosi skupštini godišnji izvještaj o stanju koje utvrdi, a po potrebi i u toku poslovne godine.

1.3.4. Poslovodni organ

Član 46.

Poslovodni organ u dioničkom društvu je, po pravilu, direktor.

Član 47.

Direktor organizuje proces rada, rukovodi radom i poslovanjem društva, zastupa i predstavlja društvo i odgovara za zakonitost rada društva.

Direktor dioničkog društva obavlja i druge poslove određene statutom društva.

Član 48.

Do postavljanja direktora društva po odredbama statuta poslove direktora obavlja vršilac dužnosti direktora.

2. Društvo sa ograničenom odgovornošću

2.1. Opšte odredbe

Član 49.

Društvo sa ograničenom odgovornošću je preduzeće kojeg čine najmanje dva osnivača sa osnovnom glavnicom podijeljenom na uloge u kojem članovi ne odgovaraju za obaveze društva.

Član 50.

Osnovna glavnica društva se izražava u novcu.

Ulozi članova mogu biti u novcu, stvarima i pravima.

U pravnom prometu društvo odgovara za obaveze cjelokupnom imovinom.

Na osnovu uloga i ugovora o osnivanju društva članovi stižu udjele koji se izražavaju u procentima.

2.2. Osnivanje društva

Član 51.

Osnovna glavnica ne može biti manja od 10.000 DEM ili protuvrijednosti izražene u domaćoj valuti po tržišnom deviznom kursu na dan zaključivanja ugovora o osnivanju društva.

Najmanji pojedinačni ulog iznosi 500 DEM ili protuvrijednosti izražene u domaćoj valuti po tržišnom deviznom kursu.

Osnovna glavnica se ne može smanjivati ispod iznosa iz stava 1. ovog člana, a ukoliko se uplaćuje u domaćoj valuti obavezna je njena revalorizacija najmanje jedanput godišnje.

Član 52.

U slučaju da se nakon upisa društva u sudski registar, odnosno u slučaju stečaja ili likvidacije društva ispostavi da su dio osnovne glavnice ili dio uloga pojedinog člana izraženi u stvarima ili pravima precijenjeni, društvo odnosno pojedini ulagači dužni su da dodatno uplate utvrdenu razliku u novcu.

Razliku iz stava 1. ovog člana utvrđuje ovlašteni procjenitelj, na zahtjev zainteresovanog člana, povjerilaca, stečajnog upravnika ili likvidatora.

Član 53.

Društvo se osniva ugovorom između osnivača.

Ugovor se zaključuje u pismenoj formi i sadrži:

- imena osnivača,
- firmu i sjedište društva,
- djelatnost društva,
- iznos osnovne glavnice, uloge, procjenu uloga, način uplate, način povećavanja odnosno smanjivanja osnovne glavnice, udjele članova i raspolaganje udjelima,
- prava i obaveze osnivača (pravo na dobit, pravo glasa, pravo obavljanja ili pravo određivanja lica za poslovodnu funkciju, obaveza uplate uloga, obaveza sporedne činidbe i obaveza lojalnog ponašanja),

- podjelu dobiti, snošenje rizika i pokrivanje gubitka u poslovanju,

- upravljanje društvom (organi, formiranje i postavljanje, djelokrug i ovlaštenja, odgovornosti i drugo),

- rješavanje sporova i obaveza primjene ugovornog prava,

- snošenje troškova osnivanja i posljedice neuspjelog osnivanja,

- prestanak članstva u društvu (istupanje ili isključenje),

- izmjene i dopune ugovora,

- trajanje i raskid ugovora,

- primjenu prava kada se radi o stranom licu - članu društva i jeziku ugovora i

- druga prava i obaveze shodno prirodi ugovora i volji članova.

Član 54.

Društvo donosi statut.

Statut sadrži odredbe o:

- firmi i sjedištu,
- djelatnosti društva,
- osnovnoj glavnici,
- udjelima (veličini udjela, raspolaganju udjelima, povlačenju udjela i ostale odredbe o udjelima),
- podjeli dobiti,
- snošenju rizika i gubitaka,
- upravljanju društvom,
- poslovodstvu i rukovođenju (postavljanje, razrješenje, ovlaštenja, odgovornost, nagrađivanje i ostalo),
- participaciji radnika u upravljanju,
- istupanju i isključivanju člana društva i posljedicama,
- unutrašnjoj organizaciji društva,
- statusnim promjenama društva,
- trajanju i prestanku društva,
- drugim pitanjima značajnijim za poslovanje društva i
- izmjenama i dopunama statuta.

2.3. Upravljanje društvom

Član 55.

Društvo može imati skupštinu, upravni odbor i druge organe, ako je to predviđeno ugovorom o osnivanju.

Ukoliko se organi iz stava 1. ovog člana obrazuju, njihov sastav, djelokrug, ovlaštenja i odgovornosti uređuju se shodno odredbama ovog zakona o odgovarajućim organima dioničkog društva.

Član 56.

Društvo postavlja direktora.

Ako u društvu nisu obrazovani organi upravljanja direktora postavlja osnivači, prema odredbama ugovora o osnivanju društva.

Ako je u društvu obrazovan organ upravljanja kome je u ovlaštenju postavljenje direktora, postavljenje se vrši shodno odgovarajućim odredbama ovog zakona o dioničkom društvu.

Kada lice postavljeno za direktora nije član društva, učestvuje u radu odgovarajućeg organa društva bez prava odlučivanja.

Član 57.

Postavljanje, djelokrug, prava, ovlaštenja, odgovornost i razrješenje direktora uređuju se statutom društva.

3. Društvo jednog lica

Član 58.

Društvo sa ograničenom odgovornošću može osnovati i samo jedan osnivač - društvo jednog lica.

Član 59.

Osnivač u smislu prethodnog člana može biti svako lice navedeno u članu 5. ovog zakona.

Član 60.

Osnovna glavica društva iz člana 58. ovog zakona ne može biti manja od 1.000 DEM ili od protuvrijednosti tog iznosa u domaćoj valuti po tržišnom deviznom kursu na dan donošenja odluke o osnivanju društva.

Osnovna glavica se ne može smanjivati ispod iznosa iz stava 1. ovog člana, a ukoliko se uplaćuje u domaćoj valuti obavezna je njena revalorizacija najmanje jedanput godišnje.

Član 61.

Osnivač društva jednog lica donosi odluku o osnivanju koja sadrži odredbe, o:

- imenu osnivača,
- firmi i sjedištu društva,
- djelatnosti društva,
- osnovnoj glavici (ukupan iznos, razložen po vrsti i način uplate),
- poslovnom organu (postavljenje, ovlaštenja, odgovornost i razrješenje),
- unutrašnjoj organizaciji,
- trajanju i prestanku društva,
- drugim pitanjima značajnim za poslovanje društva i
- izmjenama i dopunama odluke o osnivanju društva.

Član 62.

Ako osnivač svojim radnjama ili miješanjem svoje imovine i imovine društva stvara kod drugih privid privrednog identiteta sa društvom odgovara povjericima za obaveze društva neograničeno solidarno.

4. Komanditno društvo

4.1. Opšte odredbe

Član 63.

Komanditno društvo je pravno lice kojeg osnivaju najmanje jedan komanditor - tajni član i jedan komplementar - javni član.

U pravnom prometu za obaveze društva ne odgovaraju komanditori, a komplementari odgovaraju cjelokupnom svojom imovinom.

Član 64.

Komanditori mogu biti samo fizička lica.

Član 65.

Osnovna glavica društva se izražava u novcu.

Ulozi komplementara mogu biti u novcu, stvarima i pravima, a ulogi komanditora samo u novcu.

Član 66.

Ako društvo pribavlja dio kapitala izdavanjem dionica osniva se i posluje kao komanditno društvo na dionice.

Komanditno društvo na dionice komanditorima predaje dionice za njihov ulog u slučaju kada je osnovano u tom statusu, kao i u slučaju da promjenom statusa postaje komanditno društvo na dionice.

Osnivačke dionice komanditora moraju se uplatiti u novcu.

4.2. Osnivanje društva

Član 67.

Osnovna glavica komanditnog društva ne može biti manja od 50.000 DEM ili protuvrijednosti 50.000 DEM izražene u domaćoj valuti po tržišnom deviznom kursu na dan zaključivanja ugovora o osnivanju društva.

Osnovna glavica ne može se smanjivati ispod iznosa iz stava 1. ovog člana, a ukoliko se uplaćuje u domaćoj valuti obavezna je njena revalorizacija najmanje jedanput godišnje.

Član 68.

Društvo stiče pravnu i poslovnu sposobnost danom upisa osnivanja u sudski registar.

Član 69.

Komanditno društvo se osniva ugovorom u pismenoj formi. Ugovor o osnivanju društva sadrži odredbe, o:

- firmi i sjedištu društva (imenu jednog ili više komplementara i njihovom prebivalištu),
- imena osnivača (komplementara i komanditora),
- djelatnost,
- ukupnom iznosu osnovne glavice i iznosima uloga svakog komplementara i komanditora (procjenu uloga, načinu uplate, načinu povećavanja odnosno smanjivanja osnovne glavice, udjele članova i raspolaganje udjelima),
- podjeli dobiti, snošenju rizika i pokrivanju gubitaka u poslovanju,
- snošenju troškova osnivanja i posljedice neuspjelog osnivanja,
- upravljanju društvom i vođenju poslovanja društva od strane komplementara,
- pravu komanditora na obavještanje o poslovanju društva i pravu stavljanja prigovora,
- zastupanju društva,
- statusnim promjenama društva i prestanku društva i
- ostalim pitanjima značajnim za poslovanje društva.

Član 70.

Firma komanditnog društva sadrži imena jednog ili više ili svih komplementara i oznaku komanditno društvo.

Član 71.

Prestankom članstva svih komplementara ili svih komanditora komanditno društvo mora promijeniti oblik.

4.3. Upravljanje društvom

Član 72.

Komanditnim društvom upravljaju komplementari neposredno ili putem organa određenog ugovorom o osnivanju društva.

Član 73.

Komanditno društvo može imati poslovodni organ.

Poslovodni organ može biti profesionalni ili tu funkciju mogu obavljati jedan ili više komplementara.

Komanditori ne mogu zastupati komanditno društvo.

Komanditor koji preduzme poslove prema trećim licima u pravnom prometu, protivno zabrani, odgovara solidarno za obaveze društva kao komplementar.

U smislu odredaba ovog člana poslovodstvo i način njegovog obavljanja određuje se ugovorom o osnivanju društva.

5. Društvo sa neograničenom solidarnom odgovornošću članova

5.1. Opšte odredbe

Član 74.

Društvo sa neograničenom solidarnom odgovornošću članova je preduzeće koje nastaje ugovorom dva ili više osnivača radi obavljanja privredne djelatnosti i u kojem svaki član odgovara za obaveze društva cjelokupnom svojom imovinom.

Član 75.

Društvo posluje pod firmom koja sadrži imena svih članova ili više njih, jednog i oznaku "i ostali".

Član 76.

Ugovor o osnivanju društva zaključuje se u pismenoj formi.

Član 77.

Osnovnu glavnicu društva osnivači određuju ugovorom. Osnovna glavica društva je zbir jednakih uloga članova.

5.2. Osnivanje društva**Član 78.**

Ugovor o osnivanju društva sadrži odredbe, o:

- imenima osnivača,
- firmi i sjedištu,
- djelatnosti,
- osnovnoj glavnici i ulozima članova (procjena uloga, način uplate, udjelima u društvu i raspolaganju udjelima),
- snošenje troškova osnivanja i posljedice neuspjelog osnivanja društva,
- podjeli dobiti, snošenju rizika i pokrivanju gubitaka u poslovanju,
- upravljanju društvom i vodenju poslovanja,
- kontroli i obavještanju o poslovanju društva,
- zastupanju društva,
- statusnim promjenama društva i prestanku društva i
- ostalim pitanjima značajnim za poslovanje društva.

Član 79.

Ulozi članova mogu biti u novcu, stvarima i pravima.

Procjenu uloga (stvari i prava) mogu vršiti sami članovi društva, a ako se ne slože, povjeravaju ovlaštenom procjenitelju.

Izvještaj ovlaštenog procjenitelja o procjeni uloga razmatra se i usvaja uz saglasnost svih članova društva.

5.3. Međusobni odnosi članova**Član 80.**

Udjeli članova u društvu jednaki su.

Član 81.

Sva lična prava članova u društvu neprenosiva su, osim imovinskih prava.

U slučaju prenosa imovinskih prava na lica izvan društva ostalim članovima društva pripada pravo preče kupovine na osnovu pismene ponude.

Član 82.

U podjeli dobiti, snošenju rizika i pokrivanju gubitka članovi društva učestvuju podjednako.

Za obaveze društva nastale do istupanja iz društva bilo kojeg člana odgovara i taj član.

Član 83.

Svaki član društva ima svoj lični račun koji se vodi u društvu i na kome se evidentiraju: ulog, dobit, podignuti avansi i učešće u podmirivanju gubitaka društva.

5.4. Upravljanje društvom**Član 84.**

Društvom upravljaju svi članovi ravnopravno.

Član 85.

Društvo može imati poslovodni organ.

Poslovodni organ može biti profesionalni ili tu funkciju mogu obavljati jedan ili više članova društva.

Član 86.

Zastupanje društva vrše članovi društva ili poslovodni organ ako je postavljen.

III - OBLICI POVEZIVANJA PREDUZEĆA**1. Opšte odredbe****Član 87.**

Preduzeća se mogu povezivati u statusne i ugovorne oblike.

Statusni oblici povezivanja imaju status pravnog lica.

Ugovorni oblici povezivanja su: kartel, trenutno udruženje, dugoročna proizvodna kooperacija, poslovno tehnička saradnja, konzorcijum i zajedničko ulaganje.

Zabranjeno je povezivanje preduzeća radi sticanja monopolnog položaja, što će se regulisati posebnim zakonom.

Član 88.

Ugovori o povezivanju iz člana 87. stav 3. upisuju se u sudski registar.

Član 89.

Svi oblici povezivanja iz člana 87. ovog zakona mogu se uspostavljati između domaćih i stranih lica.

2. Holding preduzeće**Član 90.**

Holding preduzeće može nastati :

1) Podjelom imovine preduzeća na dva ili više preduzeća koje osniva, sticanjem kapitala u drugim preduzećima, i investiranjem svog kapitala u nova preduzeća (čisti holding).

Ako čisti holding obavlja i proizvodne, trgovinske ili druge privredne djelatnosti, postaje mješoviti holding.

2) Ulaganjem kapitala pojedinačnih ulagača - investitora, u cilju maksimiziranja dobiti iz plasmana kapitala, odnosno vrijednosnih papira (holding za plasman).

Član 91.

Kada holding preduzeće za plasmane osnivaju fizička lica (specijalizovano menadžersko preduzeće) sa kapitalom drugih pravnih ili fizičkih lica, broj osnivača ne može biti manji od deset.

Član 92.

Preduzeće koje nastaje podjelom svoje imovine na više preduzeća koja osniva, donosi odluku o osnivanju novih preduzeća i promjeni svog oblika organizovanja u holding preduzeće.

Preduzeće koje nastaje sticanjem kapitala u drugim preduzećima, nakon prenosa kapitala tih preduzeća, organizuje se odlukom o promjeni svog oblika organizovanja u holding preduzeće.

Preduzeće koje nastaje investiranjem svog kapitala u nova preduzeća, nakon osnivanja tih preduzeća donosi odluku o promjeni svog oblika u holding preduzeće.

Član 93.

Holding za plasmane se može organizovati odlukom o promjeni oblika organizovanja u holding ili osnivanjem specijalizovanog menadžerskog preduzeća iz člana 91. ovog zakona.

Član 94.

Holding preduzeće organizuje se kao dioničko društvo ili kao društvo sa ograničenom odgovornošću.

Statut holding preduzeća, shodno obliku organizovanja, pored odredaba za ta društva, sadrži i odredbe o odnosima i o upravljanju u holdingu.

3. Poslovno udruženje**Član 95.**

Poslovno udruženje mogu osnovati dva ili više preduzeća u cilju unapređivanja i usklađivanja privrednih djelatnosti, kao i zastupanja strukovnih interesa osnivača.

Poslovno udruženje ne posluje prvenstveno radi sticanja dobiti.

Član 96.

Poslovno udruženje se osniva zajedničkom odlukom ovlaštenih predstavnika osnivača.

Osnivači obezbjeđuju sredstva i uslove za rad poslovnog udruženja.

Član 97.

Firma poslovnog udruženja mora sadržavati oznaku poslovnog udruženje.

Član 98.

Pored obavljanja poslova zbog kojih je osnovano, poslovno udruženje može obavljati i zastupničke poslove iz djelatnosti svojih članica.

U obavljanju zastupničkih poslova poslovno udruženje može istupati: u ime i za račun članica, u svoje ime a za račun članica i u svoje ime i za svoj račun.

Član 99.

Kada poslovno udruženje istupa u ime i za račun članica za obaveze prema trećim licima odgovaraju članice.

Kada poslovno udruženje istupa u svoje ime, a za račun članica odgovornost za obaveze utvrđuje se ugovorom između udruženja i članica.

Kada poslovno udruženje istupa u svoje ime i za svoj račun za obaveze prema drugim licima odgovara svojim sredstvima.

Član 100.

Poslovno udruženje ima statut.

Statut poslovnog udruženja sadrži odredbe o:

- firmi i sjedištu,
- osnivačima,
- sredstvima za osnivanje i rad,
- ciljevima osnivanja udruženja,
- poslovima udruženja,
- djelatnostima koje obavlja za treća lica,
- istupanju u pravnom prometu,
- odgovornostima za obaveze,
- izvorima i uslovima finansiranja udruženja,
- organima udruženja i upravljanju,
- organizaciji udruženja,
- naknadnom pristupanju udruženju,
- istupanju iz udruženja i isključivanju iz udruženja,
- prestanku udruženja i
- drugim pitanjima značajnim za rad udruženja.

4. Pul

Član 101.

Preduzeća mogu, u cilju međusobnog informisanja o proizvodnji, razmjeni patenata i iskustava, uvođenja novih proizvoda, i organizovanju zajedničke prodaje, osnovati pul.

Osnivanjem pula ne ograničavaju se prava i nezavisnost osnivača.

Član 102.

Pul se osniva ugovorom između osnivača.

Osnivači obezbjeđuju sredstva i uslove za rad pula.

Član 103.

Pul ima firmu i sjedište.

Firma sadrži oznaku pul.

Član 104.

U djelatnosti osiguranja imovine i lica, dva ili više osiguravajućih društava mogu osnovati pul za saosiguranje, odnosno reosiguranje imovine i lica.

Posebnim zakonom uređuju se pitanja o pulu za saosiguranje, odnosno reosiguranje.

5. Ugovorni oblici povezivanja

Član 105.

Preduzeća se mogu povezivati u ugovorne oblike predviđene u članu 87. stav 3. ovog zakona.

Član 106.

Ugovor o povezivanju, pored akceptiranja posebnih propisa i uobičajenih obligacionih sastojaka, sadrži i odredbe o: ciljevima povezivanja, ulogama i zadacima članica i zajedničkim organima.

IV - DJELATNOST, FIRMA I SJEDIŠTE PREDUZEĆA

1. Djelatnost preduzeća

Član 107.

Preduzeće obavlja jednu ili više privrednih djelatnosti za koje je registrovano i za koje ispunjava uslove.

Član 108.

Preduzeće može početi obavljanje djelatnosti za koju je registrovano na osnovu rješenja nadležnih organa o ispunjavanju tehničkih i drugih uslova propisanih za obavljanje te djelatnosti.

Član 109.

Djelatnost preduzeća se određuje u skladu sa jedinstvenom klasifikacijom djelatnosti propisanom posebnim zakonom.

Član 110.

Preduzeće može zaključivati ugovore i obavljati druge poslove prometa robe i usluga samo u okviru djelatnosti za koje je registrovano.

Preduzeće može, bez upisa u sudski registar, da vrši i druge djelatnosti, u manjem obimu, koje služe djelatnosti koja je upisana u sudski registar koja se uobičajeno vrši uz te djelatnosti u manjem obimu ili povremeno, ili kole doprinose potpunijem iskorištavanju kapaciteta i materijala koji se upotrebljava za vršenje upisane djelatnosti.

Ugovor zaključen suprotno odredbama stava 1. ovog člana pravno je valjan, za drugu ugovornu stranu.

2. Firma preduzeća

Član 111.

Firma je ime pod kojim preduzeće posluje.

Firma sadrži oznaku koja upućuje na djelatnost ili osnivača, sjedište i oblik organizovanja preduzeća.

Član 112.

Firma može da sadrži grafičke ili stilizirane oznake.

Član 113.

Preduzeće može imati i skraćenu oznaku firme.

Skraćena oznaka firme mora sadržavati oblik organizovanja preduzeća.

Oblici preduzeća u firmi mogu se umjesto riječi izraziti slijedećim oznakama, koje imaju značenja navedena u zagrada-

- dd (dioničko društvo),
- doo (društvo sa ograničenom odgovornošću),
- djl (društvo jednog lica),
- kd (komanditno društvo),
- kdd (komanditno društvo na dionice),
- dno (društvo sa neograničenom solidarnom odgovornošću članova),
- h (holding),
- pul (pul),
- pu (poslovno udruženje)

Skraćena oznaka firme se upisuje u sudski registar.

Član 114.

Preduzeće u svom poslovanju mora upotrebljavati firmu ili skraćenu oznaku firme onako kako je upisana u sudski registar.

Firma ili skraćena oznaka firme mora se istaći na poslovnim prostorijama preduzeća.

Član 115.

Pod istom ili sličnom firmom ne mogu biti upisana kod istog registarskog suda dva ili više preduzeća koja imaju istu ili srodnu djelatnost.

Ako su dva ili više preduzeća iste ili srodne djelatnosti, čija su sjedišta na području istog suda koji vodi sudski registar, prijavila sudu firme koje se ne razlikuju jedna od druge, pravo na upis firme ima preduzeće koje je ranije prijavilo firmu sudu.

Član 116.

Preduzeće ima pravo da pred nadležnim sudom traži zaštitu firme.

Zahtjev se može podnijeti protiv preduzeća koje je upisano u sudski registar kod istog ili drugog suda.

Pravo na podnošenje zahtjeva za zaštitu firme prestaje po isteku tri godine od dana upisa u sudski registar firme protiv koje se zahtijeva zaštita.

Član 117.

Preduzeću protiv koga se zahtijeva zaštita firme sud će zabraniti upotrebu firme ako nade da je taj zahtjev opravdan.

U slučaju iz stava 1. ovog člana sud će prema okolnostima slučaja, dosuditi tužiocu na njegov zahtjev, naknadu štete u primjerenom iznosu.

Član 118.

Dio preduzeća, upisan u sudski registar, istupa u pravnom prometu pod firmom preduzeća i svojim nazivom.

3. Sjedište preduzeća

Član 119.

Sjedište preduzeća je mjesto u kojem se obavlja djelatnost preduzeća.

Ako se djelatnost obavlja u više mjesta, sjedištem preduzeća smatra se mjesto koje je utvrđeno statutom odnosno aktom o osnivanju.

Član 120.

Preduzeće može promijeniti sjedište.

Odluka o promjeni sjedišta preduzeća donosi se na način predviđen statutom odnosno drugim odgovarajućim aktom.

V - SREDSTVA, IMOVINA I POSLOVNE KNJIGE
PREDUZEĆA

Član 121.

Sredstva preduzeća čine stvari, prava i novac.

Član 122.

Imovinu preduzeća čine vlastita sredstva, odnosno skup imovinskih prava koja preduzeće ima.

Član 123.

Preduzeće je obavezno da vodi poslovne knjige i da sastavlja periodične i godišnje obračune u skladu sa zakonom.

VI - PRAVA, OBAVEZE I ODGOVORNOSTI
PREDUZEĆA

Član 124.

Sredstva preduzeća mogu biti u pravnom prometu.

Zakonom se može odrediti koja sredstva su u ograničenom pravnom prometu ili ne mogu biti u pravnom prometu.

Član 125.

Preduzeće u pravnom prometu zaključuje ugovore i vrši druge pravne poslove i radnje u okviru svoje pravne sposobnosti.

Član 126.

Preduzeće odgovara za svoje obaveze svojom imovinom.

Preduzeće odgovara i za obaveze drugih preduzeća preuzete ugovorom.

VII - ZASTUPANJE I PREDSTAVLJANJE PREDUZEĆA

Član 127.

Preduzeće zastupa i predstavlja poslovodni organ.

Komanditno društvo i društvo sa neograničenom solidarnom odgovornošću članova zastupa i predstavlja poslovodni organ ili članovi društva u skladu sa ugovorom o osnivanju.

Član 128.

Poslovodni organ može u okviru svojih ovlaštenja dati drugom licu pismenu punomoć za zastupanje preduzeća.

Član 129.

Preduzeće može davati prokuru.

Prokura sadrži ovlaštenja za zaključivanja i obavljanja pravnih poslova i radnji u vezi poslovanja preduzeća.

Prokura ne sadrži ovlaštenje za zaključivanje ugovora koji se odnose na osnovna sredstva preduzeća.

Član 130.

Prokuru daje poslovodni organ preduzeća, odnosno poslovodni organ ili članovi komanditnog društva i društva sa neograničenom solidarnom odgovornošću članova.

Član 131.

Prokura se daje u pismenoj formi.

Prokura se upisuje u sudski registar.

Član 132.

Prokura može biti pojedinačna ili zajednička.

Prokura se ne može prenositi.

Prokura se može opozvati.

Član 133.

Preduzeće predstavljaju pored lica iz člana 127. ovog zakona, i predsjednik skupštine, predsjednik upravnog odbora i druga ovlaštena lica određena ugovorom o osnivanju odnosno statutom.

Predstavnik preduzeća je ovlašten da istupa u ime preduzeća, a pravne radnje može preduzimati samo ako je ovlašten i za zastupanje.

VIII - POSLOVNA TAJNA

Član 134.

Poslovnu tajnu čine isprave i podaci utvrđeni statutom ili odlukom preduzeća čije bi saopštavanje neovlaštenom licu štetilo interesima i poslovnom ugledu preduzeća.

Član 135.

Isprave i podaci utvrđeni kao poslovna tajna preduzeća drugim licima mogu saopštavati lica ovlaštena aktom u kojem se utvrđuje poslovna tajna.

Član 136.

Poslovnu tajnu dužni su da čuvaju sva zaposlena lica u preduzeću i lica u ugovornom odnosu sa preduzećem, koja na bilo koji način saznaju za ispravu ili podatak koji se smatra poslovnom tajnom.

Dužnost čuvanja poslovne tajne traje i nakon prestanka radnog odnosa u preduzeću ili ugovornog odnosa lica sa preduzećem.

Član 137.

Lice koje obavlja poslovodnu funkciju u preduzeću ne može biti osnivač preduzeća za obavljanje iste djelatnosti za koju je preduzeće u kojem obavlja poslovodnu funkciju upisano u sudski registar, niti u drugom preduzeću iste djelatnosti obavljati istu funkciju.

Zabrana iz stava 1. ovog člana traje jednu godinu nakon dana prestanka obavljanja poslovodne funkcije.

IX - UPIS U SUDSKI REGISTAR

Član 138.

Preduzeća i statusni oblici povezivanja preduzeća upisuju se u sudski registar.

Ugovor o povezivanju preduzeća iz člana 87. stav 3. ovog zakona upisuje se u sudski registar u registarskom ulošku nosioca ugovornog povezivanja.

Dio preduzeća koji ima određena ovlaštenja u pravnom prometu upisuje se u sudski registar.

Član 139.

U sudski registar upisuju se: osnivanje, firma, djelatnost, sjedište, statusne promjene, promjene oblika, prestanak preduzeća i obim odgovornosti u pravnom prometu sa trećim licima ako se radi o povećanoj odgovornosti.

U sudski registar upisuju se i drugi podaci određeni zakonom.

Član 140.

Upis u sudski registar obavlja se na zahtjev ovlaštenog lica, u roku od 15 dana od dana kada su se stekli uslovi za upis.

Upisom u sudski registar preduzeće stiče pravnu i poslovnu sposobnost.

Član 141.

Podaci upisani u sudski registar su javni i objavljuju se u "Službenom listu RBiH".

Upis u sudski registar ima pravno dejstvo prema trećim licima od dana upisa.

Ko se u pravnom prometu postupajući savjesno pouzda u podatke upisane u sudski registar ne snosi štetne pravne posljedice koje iz tog nastanu.

X - STATUSNE PROMJENE PREDUZEĆA

Član 142.

Dva ili više preduzeća mogu se spojiti u novo preduzeće. Preduzeće se može pripojiti drugom preduzeću. Preduzeće se može podijeliti na dva ili više preduzeća.

Član 143.

Preduzeća koja se spajaju, preduzeće koje se pripaja drugom preduzeću i preduzeće koje se dijeli prestaju da postoje.

Član 144.

Preduzeće nad kojim je pokrenut stečajni postupak ne može vršiti statusne promjene.

Član 145.

Odluku o statusnoj promjeni preduzeća donosi najviši organ upravljanja u preduzeću, odnosno osnivači.

Član 146.

Medusobni odnosi preduzeća koji su nastali statusnim promjenama utvrđuju se ugovorom.

Član 147.

Prije upisa statusne promjene u sudski registar preduzeće je obavezno da sačini završni račun, i to za period od početka poslovne godine do izvršenja statusne promjene.

Član 148.

Sredstva, prava i obaveze preduzeća koja se spajaju prenose se na preduzeće nastalo spajanjem.

Sredstva, prava i obaveze preduzeća koje se pripaja prenose se na preduzeće kome je ono pripojeno.

Sredstva, prava i obaveze preduzeća koje se dijeli prenose se na preduzeća nastala podjelom.

Član 149.

Za obaveze prema trećim licima preduzeća koje se dijeli solidarno odgovaraju preduzeća nastala podjelom.

XI - PROMJENE OBLIKA PREDUZEĆA

Član 150.

Preduzeće može izvršiti promjenu oblika.

Odluku o promjeni oblika preduzeća donosi najviši organ upravljanja, odnosno osnivači preduzeća.

Član 151.

Promjena oblika preduzeća je obavezna:

- kada se u društvu sa ograničenom odgovornošću ili u društvu sa neograničenom solidarnom odgovornošću članova, broj članova društva svede na jedan,

- kada u komanditnom društvu prestane članstvo svih komanditora ili svih komplementara i

- kada u društvo jednog lica pristupi novi član.

XII - PRESTANAK PREDUZEĆA

Član 152.

Preduzeće prestaje:

1. ako je prema njemu rješenjem nadležnog državnog organa izrečena mjera trajne zabrane rada preduzeća ili obavljanja djelatnosti preduzeća,

2. ako više ne postoje prirodni uslovi za vršenje privredne djelatnosti preduzeća;

3. ako više ne postoje ekonomski uslovi za rad preduzeća,

4. ako se preduzeće spoji sa drugim preduzećem, ako se pripoji drugom preduzeću ili ako se podijeli na više preduzeća,

5. ako se pravosnažnom odlukom suda utvrdi ništavost upisa u sudski registar i

6. na osnovu stečaja.

U slučajevima iz tač. 1, 2, 3. i 5. ovog člana preduzeće prestaje provođenjem postupka redovne likvidacije.

U slučaju iz tačke 6. ovog člana preduzeće prestaje provođenjem postupka stečaja.

Postupak redovne likvidacije i postupak stečaja uređuje se posebnim zakonom.

Član 153.

Sprovođenje postupka redovne likvidacije i postupka stečaja preduzeća objavljuju se u "Službenom listu RBiH".

XIII - POSEBNE ODREDBE

Član 154.

U preduzećima koja imaju u cjelosti ili djelimično državni kapital primjenjuju se odredbe ovog zakona, izuzev ako odredbama ovog poglavlja ili republičkim zakonom, nije drugačije određeno.

Član 155.

Preduzećima iz člana 154. ovog zakona upravlja država srazmjerno učešću državnog kapitala u osnovnom kapitalu preduzeća.

Član 156.

U preduzećima iz člana 154. ovog zakona za vrijeme ratnog stanja ili neposredne ratne opasnosti funkcije skupštine vrši upravni odbor.

Član 157.

Ovlaštenja i obaveze države vlasnika nad preduzećima po osnovu državnog kapitala vrše nadležni organi Republike, okruga-kantona i općina u skladu sa zakonom.

Član 158.

Skupština Republike Bosne i Hercegovine u skladu sa zakonom iz člana 157. ovog zakona utvrđuje listu preduzeća prema kojima ovlaštenja i obaveze vlasnika po osnovu državnog kapitala vrše organi Republike.

Prema ostalim preduzećima koja imaju u cjelini ili djelimično državni kapital ovlaštenja i obaveze vlasnika po osnovu državnog kapitala vrše okruzi-kantoni i općine na čijem području preduzeće ima sjedište.

Članove upravnog odbora preduzeća iz stava 1. ovog člana imenuje i razrješava Vlada ili nadležno ministarstvo Republike-Federacije Bosne i Hercegovine.

Članove upravnog odbora preduzeća iz stava 2. ovog člana imenuje i razrješava nadležni organ okruga-kantona, odnosno općine.

Nadležnosti organa za općine u gradu Sarajevu vrši nadležni organ grada Sarajeva.

Član 159.

U preduzećima koja imaju u cjelosti ili pretežno državni kapital, direktora preduzeća imenuje upravni odbor uz prethodnu saglasnost nadležnog organa iz člana 158. ovog zakona.

U preduzećima iz stava 1. ovog člana, direktor ne može biti član upravnog odbora.

Član 160.

U preduzećima u kojima pored državnog učestvuje privatni kapital, nadležni organ iz člana 158. ovog zakona imenuje članove upravnog odbora u broju srazmjerno učešću državnog kapitala u ukupnom kapitalu preduzeća.

Član 161.

Preduzeća koja imaju u cjelosti ili djelimično državni kapital dužna su uskladići statute sa odredbama ovog zakona u roku od tri mjeseca od dana stupanja na snagu ovog zakona.

XIV - KAZNE NE ODREDBE

Član 162.

Novčanom kaznom od 100 do 5000 DEM u protuvrijednosti domaće valute, kazniće se za privredni prestup preduzeće:

1. ako obavlja djelatnost koja mu nije upisana u sudski registar,
2. ako otpočne djelatnost prije nego što dobije odobrenje o ispunjenju propisanih uslova,
3. ako se tokom poslovanja ne pridržava propisanih uslova za obavljanje djelatnosti,
4. ako prekorači iznos sopstvenih dionica (član 29. stav 1.),
5. ako ne obezbijedi garancije i druga obezbjeđenja povjerenika (član 30.) i
6. ako ne izvrši promjenu oblika preduzeća u slučajevima iz člana 151. ovog zakona.

Za radnje iz stava 1. ovog člana kazniće se za privredni prestup i odgovorno lice u preduzeću novčanom kaznom od 50 do 300 DEM u protuvrijednosti domaće valute.

Član 163.

Novčanom kaznom od 50 do 500 DEM u protuvrijednosti domaće valute, kazniće se za prekršaj preduzeće:

1. ako statutom ili drugim aktom u skladu sa zakonom ili kolektivnim ugovorom ne uredi ostvarivanje učešća radnika u upravljanju preduzećem (član 9.),
2. ako u svom poslovanju ne upotrebljava firmu onako kako je upisana u sudski registar (član 114. stav 2.).

Za radnje iz stava 1. ovog člana kazniće se za prekršaj i odgovorno lice u preduzeću novčanom kaznom od 25 do 150 DEM u protuvrijednosti domaće valute.

Iznosi novčanih kazni iz čl. 162. i 163. ovog zakona naplaćivat će se po srednjem kursu koji utvrđuje i objavljuje Narodna banka Bosne i Hercegovine na dan naplate novčane kazne.

XV - PRELAZNE I ZAVRŠNE ODREDBE

Član 164.

Postojeća društvena preduzeća dužna su se u roku od tri mjeseca od dana stupanja na snagu propisa o upisu u sudski registar organizovati kao društva sa ograničenom odgovornošću.

Postojeća javna preduzeća uskladiće svoj status i organizaciju sa ovim zakonom nakon donošenja posebnog zakona iz člana 6. ovog zakona.

Član 165.

Postojeća preduzeća u privatnom vlasništvu su obavezna da usklade svoj status prema odredbama ovog zakona u roku od jedne godine od stupanja na snagu ovog zakona.

Pod preduzećem u privatnom vlasništvu, u smislu stava 1. ovog člana, podrazumijevaju se i preduzeća u mješovitom vlasništvu u kojima ne učestvuje državni kapital.

Član 166.

Preduzeća koja imaju djelimično državni kapital obavezna su da usklade svoj status sa odredbama ovog zakona u roku od tri mjeseca od izvršene privatizacije preduzeća, provedene prema odredbama posebnog zakona.

Član 167.

Propisi o upisu u sudski registar preduzeća uskladiće se sa odredbama ovog zakona u roku od dva mjeseca od stupanja na snagu ovog zakona.

Član 168.

Dana 1. januara 1995. godine prestaje primjena Zakona o preduzećima ("Službeni list RBiH" br. 2/92 i 13/94).

Član 169.

Ovaj zakon stupa na snagu osmog dana od dana objavljivanja u "Službenom listu RBiH", a primjenjivat će se od 1. januara 1995. godine.

Predsjednik
Skupštine RBiH,
Miro Lazović, s. r.

469

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O DOPUNAMA ZAKONA
O MINISTARSTVIMA I DRUGIM ORGANIMA
DRŽAVNE UPRAVE REPUBLIKE BOSNE I
HERCEGOVINE

Prolašava se Zakon o dopunama Zakona o ministarstvima i drugim organima državne uprave Republike Bosne i Hercegovine, koji je donijela Skupština Republike Bosne i Hercegovine na sjednici Skupštine od 7. novembra 1994. godine.

PR broj 1712/94

24. novembra 1994. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON

O DOPUNAMA ZAKONA O MINISTARSTVIMA I
DRUGIM ORGANIMA DRŽAVNE UPRAVE
REPUBLIKE BOSNE I HERCEGOVINE

Član 1.

U Zakonu o ministarstvima i drugim organima državne uprave Republike Bosne i Hercegovine ("Službeni list RBiH", broj 15/94) u članu 8. stav 2. iza riječi "carina", umjesto tačke, stavlja se zarez i dodaju riječi: "i Finansijska policija".

Iza stava 4. dodaje se novi stav 5. koji glasi:

"Finansijska policija vrši upravne i druge stručne poslove utvrđene zakonom".

Član 2.

U članu 16. stav 1. u 29. redu iza riječi "sporta" dodaju se riječi: "razvoj i funkcioniranje sistema informiranja u Republici, ostvarivanje informativne djelatnosti prema inozemstvu, ostvarivanje javnosti rada organa Republike i izdavanje publikacija".

Član 3.

Ovaj zakon stupa na snagu osmog dana od dana objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

470

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ**O PROGLAŠENJU ZAKONA O PRETVORBI
DRUŠTVENE SVOJINE**

Prolašava se Zakon o pretvorbi društvene svojine, koji je donijela Skupština Republike Bosne i Hercegovine na sjednici Skupštine od 7. novembra 1994. godine.

PR broj 1713/94
24. novembra 1994. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON**O PRETVORBI DRUŠTVENE SVOJINE****Član 1.**

Danom stupanja na snagu ovog zakona Republika Bosna i Hercegovina (u daljem tekstu: Republika) postaje nosilac prava svojine na imovini u društvenoj svojini na kojoj pravo raspolaganja nema Federacija Bosne i Hercegovine, i to:

1. prirodnim bogatstvima i dobrima u općoj upotrebi;
2. društvenom kapitalu iskazanom u bilansima stanja pravnih lica na dan 31. decembra 1991. godine;
3. sredstvima na kojima pravo korišćenja i upravljanja imaju: mjesne zajednice, društvene organizacije, udruženja građana i političke organizacije, izuzev sredstava koja su te zajednice i organizacije pribavile iz drugih izvora osim budžeta, sredstava za finansiranje zajedničkih potreba, donacija društvenih pravnih lica i samodoprinosu građana;
4. nekretninama koje su izgrađene ili po drugom osnovu stečene iz sredstava budžeta, sredstava za finansiranje zajedničkih potreba te sredstva samodoprinosu građana i donacija bez obzira da li se kod društvenog pravnog lica kao korisnika vode ili ne vode u poslovnim knjigama, odnosno da li su upisane u zemljišne knjige.

Član 2.

Sredstva iz člana 1. tačka 3. ovog zakona utvrđuje nadležan organ uprave opštine.

Nekretnine iz člana 1. tačka 4. ovog zakona utvrđuje rješenjem organ uprave nadležan za imovinsko - pravne poslove općine na čijem području se nekretnina nalazi.

Rješenje iz stava 1. odnosno stava 2. ovog člana nadležni organ dužan je dostaviti i korisniku sredstava ili nekretnina.

Protiv rješenja iz st. 1. i 2. ovog člana pravno lice koje ima pravni interes može podnijeti žalbu drugostepenom organu uprave.

Protiv rješenja drugostepenog organa po žalbi podnosilac žalbe može pokrenuti parnicu podizanjem tužbe kod suda opće nadležnosti u roku od 30 dana po prijemu rješenja.

Član 3.

Stvarna prava trećih lica na nekretninama iz člana 1. ovog zakona, koja su stečena u skladu sa zakonom, ne mijenjaju se.

Član 4.

Ovlašćenja i obaveze po osnovu svojine iz člana 1. ovog zakona za organe Republike, okruga-kantona i općina uredit će se posebnim zakonom.

Do donošenja zakona iz stava 1. ovog člana ovlašćenja i obaveze po osnovu svojine iz člana 1. ovog zakona vrše nadležni organi u skladu sa važećim propisima.

Član 5.

Privatnim kapitalom po osnovu otkupa internih dionica i udjela smatra se efektivni iznos dioničkog kapitala iskazan u bilansu stanja na dan 31. decembar 1991. godine.

Iznosi uplaćeni na ime otkupa internih dionica, odnosno udjela nakon 31. decembra 1991. godine, do dana stupanja na snagu ovog zakona, postaju potraživanja radnika prema preduzeću koji se revaloriziraju i vraćaju uplatiocima, ili se upisuju kao dionički kapital, u skladu sa zakonom.

Član 6.

Provedeni postupci i izvršene radnje pretvaranja društvene u privatnu svojinu, na osnovu Zakona o društvenom kapitalu ("Službeni list RBiH", broj 2/92), preispitat će se u postupku revizije, u skladu sa posebnim propisima, najkasnije do utvrđivanja početnog bilansa u postupku daljnje vlasničke transformacije preduzeća.

Ako se revizijom utvrdi da postupci i radnje iz stava 1. ovog člana, nisu provedeni u skladu sa propisima, organ revizije donijeti će rješenje o otklanjanju utvrđenih nepravilnosti i nedostataka, ili o vraćanju u predašnje stanje, odnosno novčanog naknadi.

Član 7.

Za provođenje revizije, o slučajevima iz člana 6. ovog zakona, nadležan je organ za reviziju utvrđen posebnim propisima.

Prilikom provođenja postupka revizije pravno lice odnosno odgovorno lice u pravnom licu dužno je pružiti tražene podatke i dokumentaciju.

Član 8.

Posebnim zakonom uredit će se vraćanje u privatnu svojinu, odnosno naknada za imovinu koja je po raznim osnovama oduzeta od vlasnika po ranijim propisima.

Član 9.

Pravo vlasništva na imovini na kojoj pravo raspolaganja ima Republika Bosna i Hercegovina i podjela te imovine između Republike Bosne i Hercegovine i Federacije uredit će se posebnim zakonom.

Član 10.

Danom stupanja na snagu ovog zakona prestaje primjena:

- 1) Zakona o društvenom kapitalu ("Službeni list RBiH", broj 2/92),
- 2) Člana 5. Zakona o javnim preduzećima ("Službeni list RBiH", br. 4/92, 21/92 i 13/94),
- 3) Zakona o pretvorbi društvene u druge oblike svojine u preduzećima za proizvodnju naoružanja i vojne opreme ("Službeni list RBiH - Posebno glasilo", broj 7/93).

Član 11.

Pravno lice koje ne postupi saglasno odredbi člana 7. stav 2. ovog zakona kaznit će se za privredni prijestup novčanom kaznom u iznosu od 100 do 500 DEM preračunatih u domaću valutu po srednjem kursu na dan plaćanja kazne koji utvrđuje i objavljuje Narodna banka Bosne i Hercegovine.

Za privredni prijestup iz stava 1. ovog člana kaznit će se i odgovorno lice novčanom kaznom u iznosu od 50 do 250 DEM preračunatih u domaću valutu po srednjem kursu na dan plaćanja kazne koji utvrđuje i objavljuje Narodna banka Bosne i Hercegovine.

Član 12.

Ovaj zakon stupa na snagu danom objavljivanja u "Službenom listu Republike Bosne i Hercegovine", a primjenjivat će se od 1. januara 1995. godine.

Predsjednik
Skupštine RBiH,
Miro Lazović, s. r.

471

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ O PROGLAŠENJU ZAKONA O IZMJENAMA I DOPUNAMA ZAKONA O SREDNJOJ ŠKOLI

Proglašava se Zakon o izmjenama i dopunama Zakona o srednjoj školi, koji je donijela Skupština Republike Bosne i Hercegovine na sjednici Skupštine od 7. novembra 1994. godine.

PR broj 1714/94
24. novembra 1994. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON O IZMJENAMA I DOPUNAMA ZAKONA O SREDNJOJ ŠKOLI

Član 1.

U Zakonu o srednjoj školi ("Službeni list SRBiH", broj 39/90 i "Službeni list RBiH", br. 3/93 i 24/93) u članu 2, u stavu 1. iz alineje 1. dodaje se nova alineja 2, koja glasi:

"učiteljska škola u kojoj se, pored odgovarajućeg općobrazovnog programa, ostvaruje i stručni program za obrazovanje učitelja i odgajatelja;"

Dosadašnje al. 2, 3, 4. i 5. postaju al. 3, 4, 5. i 6.

Iza alineje 5. koja postaje alineja 6. dodaje se nova alineja 7, koja glasi:

"- srednja škola za vjerske službenike u kojoj se, pored odgovarajućeg općobrazovnog programa ostvaruje i posebni program za obrazovanje vjerskih službenika."

Iza stava 2. dodaje se novi stav 3. koji glasi:

"Pod vjerskim službenicima iz alineje 7. stava 1. ovog člana podrazumijevaju se: imami, svećenici, sveštenici, rabini, propovjednici i dr."

Član 2.

U članu 11. stav 2. mijenja se i glasi:

"Srednju školu za vjerske službenike može osnovati vjerska zajednica."

Član 3.

Iza člana 51. dodaje se novi odjeljak "2a učiteljska škola" i novi čl. 51-a, 51b, 51c, 51d. i 51-e, koji glase:

Član 51-a.

U učiteljskoj školi obrazuju se redovni učenici u trajanju od četiri godine po općobrazovnom i stručnom programu za stručno zvanje učitelja i odgajatelja.

Član 51-b.

U učiteljsku školu mogu se upisati učenici koji su završili obavezno redovno osnovno obrazovanje i koji su psihički i fizički zdravi.

Kod upisa u učiteljsku školu obavezan je prijemni ispit.

Član 51-c.

Na završetku obrazovanja u učiteljskoj školi polaže se matura.

Član 51-d.

Nastavnim programom utvrđuje se sadržaj i program polaganja mature.

Član 51-e.

Bliže propise o načinu polaganja prijemnog ispita i mature donosi ministar obrazovanja, nauke, kulture i sporta.

Organizacija provjere znanja na prijemnom ispitu i polaganje mature u učiteljskoj školi utvrđuje se pravilima škole."

Član 4.

Iza člana 72. dodaje se novi odjeljak "5a. škola za vjerske službenike" i novi čl. 72-a, 72-b, 72-c i 72-d, koji glase:

"Član 72-a.

U školi za vjerske službenike obrazuju se redovni učenici po općobrazovnom programu i posebnom programu za obrazovanje vjerskih službenika, u trajanju od četiri godine.

Član 72-b.

U školu za vjerske službenike mogu se upisati učenici koji su sa uspjehom završili obavezno redovno osnovno obrazovanje i odgoj.

Član 72-c.

Nastavnim planom i programom škole za vjerske službenike utvrđuje se odnos općobrazovnih predmeta i posebnog programa.

Nastavnim planom i programom utvrđuje se i program polaganja mature.

Član 72-d.

Nastavni plan i program koji se odnose na posebne predmete donosi vjerska zajednica uz saglasnost ministra obrazovanja, nauke, kulture i sporta."

Član 5.

Iza člana 162. dodaje se novi član 162-a, koji glasi:

"Član 162-a.

Licima koja su do stupanja na snagu ovog zakona završila školu za vjerske službenike, priznaje se završeno srednje obrazovanje."

Član 6.

Ovaj zakon stupa na snagu danom objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

472

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ O PROGLAŠENJU ZAKONA O VOJNIM ŠKOLAMA ZA VRIJEME RATNOG STANJA

Proglašava se Zakon o vojnim školama za vrijeme ratnog stanja, koji je donijela Skupština Republike Bosne i Hercegovine na sjednici Skupštine od 7. novembra 1994. godine.

PR broj 1715/94
24. novembra 1994. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON O VOJNIM ŠKOLAMA ZA VRIJEME RATNOG STANJA

I - OPĆE ODREDBE

Član 1.

Ovim zakonom utvrđuje se pojam i osnovni zadaci vojnih škola Republike Bosne i Hercegovine (u daljem tekstu: vojne škole) za vrijeme ratnog stanja, sistem školovanja i usavršavanja vojnih starješina u oružanim snagama Republike Bosne i Hercegovine (u daljem tekstu: oružane snage), način osnivanja i ukidanja vojnih škola, rukovođenje i komandovanje vojnim školama, izbor kandidata za školovanje i usavršavanje, nastavni planovi i programi, osnovni kriteriji za izbor nastavnika i

instruktora u vojnim školama, organiziranje i izvođenje nastave, ocjenjivanje u vojnim školama i druga pitanja od značaja za rad vojnih škola.

Član 2.

Vojne škole su ustanove oružanih snaga koje vrše školovanje i usavršavanje vojnih starješina za rukovođenje i komandovanje jedinicama i ustanovama, za poslove obuke i odgoja, te za izvršavanje drugih poslova i zadataka u vezi s organiziranjem i daljeg razvoja oružanih snaga i vođenja oružane borbe.

Član 3.

U ostvarivanju osnovnih zadataka, vojne škole:

1. Osposobljavaju vojne starješine za rad u jedinicama i ustanovama oružanih snaga davanjem prijeko potrebnih znanja iz općevojnih, vojnostručnih, društvenih i tehničkih nastavnih disciplina-predmeta.
2. Kod lica na školovanju ili usavršavanju razvijaju društvene, vojnostručne, moralne, psihološke i fizičke kvalitete i sposobnosti koji su potrebni za vođenje oružane borbe.
3. Saraduju sa jedinicama, ustanovama, komandama i štabovima oružanih snaga radi unapređenja školovanja i usavršavanja, kao i aktivnog učešća vojnih starješina u nastavno-obrazovnom procesu.

Član 4.

Vojne škole ostvaruju saradnju sa odgovarajućim srednjim, višim i visokim školama u građanstvu i školskim institucijama Ministarstva unutrašnjih poslova radi unapređenja odgojno-obrazovnog rada i rješavanja drugih pitanja od zajedničkog interesa.

II - SISTEM ŠKOLOVANJA I USAVRŠAVANJA VOJNIH STARJEŠINA

Član 5.

Jedinstveni sistem školovanja i usavršavanja vojnih starješina čini:

1. školovanje i usavršavanje podoficira;
2. školovanje i usavršavanje oficira;
3. školovanje i usavršavanje oficira za više dužnosti.

Školovanje i usavršavanje vojnih starješina iz stava 1. ovog člana vrši se u nastavno regrutnim centrima, do osnivanja ratnih podoficirskih škola, ratnim oficirskim školama i ratnim komandno - štabnim školama.

Školovanje i usavršavanje vojnih starješina u vojnim školama iz stava 2. ovog člana vrši se putem kurseva.

Član 6.

Školovanje i usavršavanje podoficira organizira se i izvodi u nastavno regrutnim centrima.

Nastavno regrutni centri, osim obuke regruta, školuju lica koja imaju završenu srednju školu i vrše njihovo vojnostručno usavršavanje i prekvalifikaciju za rad na odgovarajućim dužnostima i formacijskim mjestima podoficira.

Član 7.

Školovanje i usavršavanje oficira organizira se i izvodi u ratnoj oficirskoj školi.

Ratna oficirska škola školuje lica koja imaju višu ili visoku stručnu spremu, vrši njihovo vojnostručno usavršavanje i prekvalifikaciju za rad na dužnostima i formacijskim mjestima u osnovnim taktičkim jedinicama i na odgovarajućim dužnostima u oružanim snagama.

U ratnoj oficirskoj školi mogu se školovati i lica koja imaju srednju stručnu spremu uz posebnu preporuku komande jedinice-ustanove oružanih snaga koja ih upućuje na školovanje, pod uvjetom da nema dovoljan broj kandidata, sa stručnom spremom koja je uvjet iz stava 2. ovog člana.

Član 8.

Školovanje i usavršavanje oficira za više dužnosti organizira se i izvodi u ratnoj komandno-štabnoj školi.

Ratna komandno-štabna škola vrši vojno-stručno osposobljavanje oficira za rad na komandnim i štabnim dužnostima i formacijskim mjestima u združeno-taktičkim i operativnim jedinicama i na odgovarajućim dužnostima u oružanim snagama.

III - OSNIVANJE I UKIDANJE VOJNIH ŠKOLA

Član 9.

Vojne škole iz člana 5. stav 2. ovog zakona osniva i ukida Predsjedništvo Republike Bosne i Hercegovine, na prijedlog ministra odbrane.

Član 10.

Aktom o osnivanju vojne škole iz člana 9. ovog zakona određuju se sjedište vojnih škola, zadaci, početak rada i trajanje školovanja.

Ako se više vojnih škola nalazi pod jedinstvenom komandom i na istom lokalitetu osnivaju se kao Centar vojnih škola.

IV - RUKOVANJE I KOMANDOVANJE VOJNIM ŠKOLAMA

Član 11.

U vezi sa organiziranjem i provođenjem školovanja i usavršavanja vojnih starješina u vojnim školama, ministar odbrane naročito:

1. donosi nastavne planove i programe i propisuje standarde za organiziranje i rad u vojnim školama;
2. odobrava organiziranje i izvođenje tečajeva za posebne vojne specijalnosti (medicinske, veterinarske i dr.);
3. donosi propise o osiguranju kadrovskih, materijalnih i finansijskih uvjeta potrebnih za rad vojnih škola;
4. odobrava udžbenike i priručnike za opće, općevojne i vojnostručne nastavne discipline-predmete;
5. utvrđuje vojnostručni profil kadra za potrebe oružanih snaga;
6. uskladuje rad vojnih škola u izvršavanju zajedničkih planova i programa nastavno-obrazovnog i stručnog rada i drugih zajedničkih zadataka;
7. osigurava ostvarivanje ciljeva i zadataka sistema školovanja i usavršavanja starješina u vojnim školama i propisuje način vršenja nadzora nad provođenjem planova i programa nastavnog i stručnog rada;
8. donosi pravilnike o unutrašnjoj organizaciji i radu vojnih škola.

Član 12.

Ministar odbrane, u vezi sa reguliranjem jedinstvene organizacije i rada vojnih škola, donosi podzakonska akta kojima propisuje:

1. uvjete izbora i rada nastavnika i instruktora;
2. uvjete organiziranja i izvođenja tečajeva za školovanje i usavršavanje podoficira i oficira;
3. jedinstvenu dokumentaciju i evidenciju;
4. izradu nastavno-obrazovne literature;
5. stažiranje pitomaca i polaznika tečaja;
6. saradnju jedinica, ustanova, komandi i štabova oružanih snaga i vojnih škola;
7. izbor kandidata za popunu vojnih škola pitomcima i polaznicima tečaja;
8. metodologiju izrade nastavnih planova i programa;
9. način ocjenjivanja pitomaca i polaznika tečaja;
10. školovanje i usavršavanje pripadnika oružanih snaga u inozemstvu i druga pitanja iz svoje nadležnosti.

Član 13.

Vojnim školama rukovode i komanduju komandanti škola u skladu sa pravima i dužnostima utvrđenim propisima o ruko-

vođenju i komandovanju jedinicama i ustanovama oružanih snaga.

Član 14.

Dužnosti komandanta vojne škole su da:

1. osigura planski i organiziran rad škole;
2. učestvuje u pripremi nastavnih planova i programa, brine o njihovom realiziranju i ostvarivanju ukupnih ciljeva i zadataka školovanja ili usavršavanja;
3. na osnovu analiza uspjeha školovanja ili usavršavanja, daje primjedbe i prijedloge za izmjenu nastavnog plana i programa;
4. predlaže izbor nastavnika i instruktora;
5. donosi program stručnog rada i usavršavanja nastavnika i instruktora;
6. priprema, saziva i predsjedava kolegijem komandanta škole;
7. predstavlja školu;
8. vrši i druge poslove u skladu sa zakonom i drugim propisima.

Član 15.

Komandanta vojne škole postavlja i razrješava ministar odbrane.

Pored opštih uslova, predviđenih Zakonom o službi u Armiji Republike Bosne i Hercegovine ("Službeni list RBiH", br. 11/92, 8/93, 17/93, 1/94, 14/94 i 16/94), komandant vojne škole mora ispunjavati i uvjete propisane za izbor jednog od zvanja nastavnika opštevojnih ili vojnostručnih nastavnih disciplina - predmeta.

V - IZBOR KANDIDATA ZA ŠKOLOVANJE I USAVRŠAVANJE

Član 16.

Izbor kandidata za školovanje i usavršavanje u vojnim školama vrše komande jedinica i ustanova oružanih snaga, u skladu sa Uputstvom kojeg donosi ministar odbrane.

Član 17.

Kandidat iz člana 16. ovog zakona, stupanjem u ratnu oficirsku školu stiče svojstvo pitomca, a na tečaju svojstvo polaznika tečaja.

Za vrijeme školovanja ili usavršavanja pitomci-polaznici tečaja sva statusna prava ostvaruju u jedinici ili ustanovi oružanih snaga koja ih je uputila na školovanje ili usavršavanje.

Pored disciplinskih i drugih odgojnih mjera, predviđenih propisima o vojnoj disciplini, pitomcu-polazniku tečaja može se izreći mjera isključenja sa školovanja ili usavršavanja.

Mjeru isključenja iz stava 3. ovog člana izriče komandant vojne škole na prijedlog Kolegija komandanta škole.

VI - NASTAVNI PLANOWI I PROGRAMI

Član 18.

Nastavnim planovima i programima utvrđuju se nastavne oblasti i ciljevi, obavezne nastavne discipline - predmeti i obrazovni sadržaji, redoslijed izvođenja nastave i odnos između teorijske i praktične nastave.

Član 19.

Pri izradi prijedloga nastavnih planova i programa vojne škole su dužne ostvariti stručnu i drugu saradnju sa komandama i jedinicama, te upravama vidova, rodova i službi Glavnog štaba oružanih snaga, čiji se kadar školuje ili usavršava.

VII - NASTAVNICI I INSTRUKTORI U VOJNIM ŠKOLAMA

Član 20.

Osnovni zadaci nastavnika i instruktora u vojnim školama su:

1. da učestvuju u izradi prijedloga nastavnog plana i programa za nastavnu disciplinu-predmet koji predaju;

2. da učestvuju u izradi udžbenika i druge nastavno-obrazovne literature;

3. da izvode nastavu iz određene nastavne discipline-predmeta u skladu sa nastavnim planom i programom po savremenim metodama i dostignućima nauke i prakse;

4. da prate i podstiču rad pitomaca-polaznika tečaja u svim oblicima nastave i provjeravaju njihovo znanje i sposobnosti;

5. da se stalno stručno i didaktičko-metodski usavršavaju;

6. da ličnim primjerom odgojno djeluju na pitomce i polaznike tečaja vojnih škola.

Član 21.

Nastavnici i instruktori u vojnim školama mogu biti vojna i građanska lica-državljeni Republike Bosne i Hercegovine koji ispunjavaju uvjete određene Pravilnikom o nastavnicima i instruktorima u vojnim školama, kojeg donosi ministar odbrane.

U vojnim školama izuzetno, može biti postavljen za nastavnika ili instruktora po pozivu i strani državljanin koji je ekspert za određeno vojno područje o čemu odlučuje ministar odbrane.

Za izvođenje nastave iz određenih specijalnosti mogu se angažirati i stručnjaci iz institucija van oružanih snaga.

VIII - ORGANIZIRANJE I IZVOĐENJE NASTAVE

Član 22.

Nastava u vojnim školama organizira se i izvodi po klasama, smjerovima i nastavnim jedinicama.

Raspoređivanje pitomaca i polaznika tečaja po nastavnim jedinicama vrši se zavisno od smjera školovanja ili usavršavanja.

Član 23.

Nastava se izvodi na predavanjima, putem vježbi i drugih oblika rada (seminar, taktičke, taktičko-stručne, štabne i komandno-štabne vježbe, stažiranje) koji se utvrđuju nastavnim planom i programom i odgovarajućim metodičko-didaktičkim uputstvom.

Član 24.

Nastava u ratnoj oficirskoj školi traje do šest mjeseci, a u nastavno regrutnom centru i ratnoj komandno-štabnoj školi do tri mjeseca.

Ukupno vrijeme trajanja stručno-teorijske i praktične nastave iz obaveznih nastavnih disciplina-predmeta, u toku jedne sedmice iznosi 36 do 48 nastavnih časova.

IX - OCJENJIVANJE, ZAVRŠNI ISPITI I DIPLOMSKI RAD

Član 25.

Radi vrednovanja rada i uspjeha pitomaca i polaznika tečaja nastavnici i instruktori su dužni da stalno i svestrano prate njihovo zalaganje, samostalnost u radu, radnu disciplinu i sposobnost za primjenjivanje stečenih znanja u praksi.

Vrednovanje rada i uspjeha pitomaca i polaznika tečaja po nastavnim disciplinama - predmetima i ukupno, vrši se po odredbama Uputstva, kojeg donosi ministar odbrane.

Član 26.

U vojnim školama polažu se ispiti iz svake nastavne discipline-predmeta i brani diplomski rad.

Član 27.

Starješinama koji završe vojnu školu ili tečaj izdaje se diploma.

Propis kojim se utvrđuje sadržina i oblik diplome, donosi ministar odbrane.

X - PRIJELAZNE I ZAVRŠNE ODREDBE**Član 28.**

Vojne škole dužne su da organiziraju rad u skladu sa odredbama ovog zakona u roku od 30 dana od dana stupanja na snagu ovog zakona.

Član 29.

Ministar odbrane donosi propis o nostrifikaciji diploma stečenih u inozemnim vojnim školama.

Član 30.

Propise iz čl. 12, 16, 21, 25, 27. i 29. ovog zakona, ministar odbrane donijet će u roku od 15 dana od dana stupanja na snagu ovog zakona.

Član 31.

Kandidati koji završe školovanje ili usavršavanje po odredbama ovog zakona stižu uvjete za postavljanje na dužnosti i formacijska mjesta u oružanim snagama za koje su školovani.

Član 32.

Ovaj zakon stupa na snagu osmog dana, od dana objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

473

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ**O PROGLAŠENJU ZAKONA O UDRUŽIVANJU GRADANA**

Prolašava se Zakona o udruživanju građana, koji je donijela Skupština Republike Bosne i Hercegovine na sjednici Skupštine od 7. novembra 1994. godine.

PR broj 1716/94.
24. novembra 1994. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON**O UDRUŽIVANJU GRADANA****I - OSNOVNE ODREDBE****Član 1.**

Ovim zakonom uređuju se uvjeti i postupak za osnivanje, organiziranje, djelovanje, prestanak rada udruženja građana, kao i druga pitanja od značaja za ostvarivanje ustavnih sloboda građana da se slobodno i dobrovoljno udružuju u udruženja građana (u daljem tekstu: udruženja).

Član 2.

Gradani se slobodno i dobrovoljno udružuju radi ostvarivanja svojih kulturnih, obrazovanih, umjetničkih, naučnih, zdravstvenih, socijalnih, humanitarnih, sportskih, tehničkih, profesionalnih, inovacionih, ekoloških i drugih aktivnosti, potreba i interesa u skladu sa zakonom.

Svaki građanin Republike Bosne i Hercegovine (u daljem tekstu: Republika) može, pod istim uvjetima propisanim statutom, postati članom udruženja.

O obliku udruživanja odlučuju građani kao osnivači, odnosno članovi udruženja.

Član 3.

Udruženjem upravljaju njegovi članovi neposredno i preko predstavnika u organima upravljanja utvrđenim statutom.

Predstavnik, odnosno član organa upravljanja udruženja ne može biti lice kome je izrečena mjera bezbjednosti, zabrane

javnog istupanja, za vrijeme dok ta zabrana traje ili lica kome je oduzeta poslovna sposobnost.

Član 4.

Ne mogu se osnivati udruženja čiji su statutarni ili programski ciljevi i način njihovog djelovanja usmjereni na nasilnu promjenu Ustavom Republike Bosne i Hercegovine (u daljem tekstu: Ustav) utvrđenog uređenja, ugrožavanje teritorijalne cjelokupnosti, nezavisnosti i suvereniteta Republike, kršenje Ustavom zajamčenih sloboda i prava čovjeka i građanina, ugrožavanja mira i međunarodne saradnje, raspirivanje nacionalne, rasne i vjerske mržnje ili netrpeljivosti, ili ugrožavanje sigurnosti ili odbrane Republike, ili podsticanje vršenja krivičnih djela, kao i vrijeđanje javnog morala.

Član 5.

Udruženja su samostalna u ostvarivanju ciljeva i zadataka utvrđenih statutom, u skladu sa Ustavom i zakonom.

Član 6.

Udruženje može u okviru svoje djelatnosti i programskih ciljeva osnovati pravno lice za obavljanje privredne i druge djelatnosti pod uvjetima utvrđenim zakonom.

Član 7.

Zakonom i na zakonu zasnovanom odlukom skupštine općine može se udruženju povjeriti da, u okviru svoje djelatnosti, vrši javna ovlaštenja.

Ako je udruženju povjereno vršenje javnih ovlaštenja, udruženje je dužno da osigura zakonito i neometano obavljanje poslova u vezi sa vršenjem javnih ovlaštenja.

Član 8.

Udruženje ima svojstvo pravnog lica, a stiče ga danom upisa u sudski registar.

Član 9.

Rad udruženja je javan.

Način ostvarivanja javnosti rada uređuje se statutom udruženja.

Član 10.

Osnivanje i djelovanje pojedinih vrsta udruženja, kao i druga pitanja od značaja za ostvarivanje ustavne slobode i prava dobrovoljnog udruživanja građana, mogu se posebnim zakonom drukčije urediti, ako je to nužno i nije u suprotnosti sa načelima ovog zakona.

II - UVJETI I NAČIN OSNIVANJA UDRUŽENJA**Član 11.**

Udruženje može osnivati najmanje 30 građana.

Udruženje se osniva na osnivačkoj skupštini.

Osnivačka skupština donosi odluku o osnivanju, statut udruženja i bira organe upravljanja.

Član 12.

Odluka o osnivanju udruženja naročito sadrži:

- imena osnivača,
- naziv udruženja,
- sjedište udruženja i
- osnovne ciljeve osnivanja udruženja.

Član 13.

Udruženje ima statut.

Statutom se utvrđuje naročito:

- naziv, sjedište i područje na kojem udruženje djeluje,
- djelatnost udruženja,
- svrha i programski ciljevi udruženja,
- uvjeti i način učlanjenja u udruženje i prestanak članstva, kao i prava, dužnosti i odgovornosti članova udruženja,
- organi upravljanja udruženja, način njihovog izbora, uvjeti i način opoziva, trajanje mandata, način odlučivanja i odgovornost,
- način donošenja odluke o prestanku rada udruženja,

- način sticanja, korišćenja i raspolaganja sredstvima udruženja,
- javnost rada,
- način donošenja statuta i izmjena i dopuna statuta,
- pečat i
- zastupanje i predstavljanje udruženja.

Član 14.

Udruženje se može udruživati u saveze i druge oblike udruživanja u skladu sa statutom.

Član 15.

Ovlašćeni predstavnici udruženja, na osnivačkoj skupštini donose odluku o osnivanju saveza ili drugog oblika udruživanja.

Član 16.

Udruženja i savezi koji su osnovani u skladu sa ovim zakonom mogu se učlanjivati i udruživati u međunarodna udruženja ako djelatnost tih udruženja nije u suprotnosti sa Ustavom i zakonom.

III - NAZIV I SJEDIŠTE UDRUŽENJA

Član 17.

Udruženje građana ima svoj naziv i sjedište. Naziv udruženja u pravilu upućuje na djelatnost udruženja a obavezno sadrži riječi "udruženje građana". Naziv može sadržavati grafičke ili stilizirane oznake. Udruženje može imati i skraćeni naziv koji mora obavezno sadržavati skraćenicu "u. g.".

Član 18.

Za unošenje u naziv udruženja imena historijske i druge znamenite ličnosti potrebno je odobrenje organa uprave koji vrši nadzor nad zakonitošću rada udruženja, kao i pristanak srodnika te ličnosti do trećeg stepena srodstva, ako zakonom ili drugim propisom nije drukčije određeno.

Član 19.

Na zahtjev organa uprave koji vrši nadzor nad zakonitošću rada udruženja ili srodnika iz člana 18. ovog zakona sud koji vodi registar udruženja odlučuje da se briše iz naziva udruženja ime umrlih historijske ili druge znamenite ličnosti, ako ocijeni da je djelovanjem udruženja ugled te ličnosti doveden u pitanje.

Član 20.

U naziv udruženja ne može se unijeti naziv države, kao i naziv društveno-političke zajednice, osim po odobrenju izvršnog organa društveno-političke zajednice.

Član 21.

Kod istog suda koji vodi registar udruženja ne mogu biti upisani pod istim nazivom dva ili više udruženja.

Član 22.

Naziv udruženja mora biti istaknut na zgradi u kojoj je sjedište udruženja.

Naziv udruženja iz stava 1. ovog člana odgovara nazivu upisanom u sudski registar.

Član 23.

Spor u vezi sa nazivom udruženja rješava nadležni viši sud kod kojeg je izvršena registracija.

IV - UDRUŽENJA STRANACA I MEĐUNARODNA UDRUŽENJA

Član 24.

Stranci koji su stalno nastanjeni ili borave duže od jedne godine u Republici, pod uvjetima utvrđenim propisima o kretanju i boravku stranaca, sami ili zajedno sa građanima Republike, mogu osnivati udruženja, u skladu sa odredbama ovog zakona.

Član 25.

Međunarodna udruženja i njihovi organi (predstavništva, uredi i dr.) mogu imati sjedište na teritoriji Republike ako za to dobiju saglasnost Vlade Republike Bosne i Hercegovine i ako je njihova djelatnost u skladu sa Ustavom, zakonom i međunarodnim ugovorima koje je prihvatila Republika.

Član 26.

Međunarodna udruženja iz člana 25. ovog zakona dostavljaju nadležnom višem sudu uz zahtjev za upis, spisak članova predstavništva, ureda i dr. i statut, odnosno drugi odgovarajući akt tog udruženja.

V - REGISTRACIJA UDRUŽENJA

Član 27.

O udruženjima vodi se registar.

Registar udruženja vodi viši sud prema sjedištu udruženja.

O zahtjevu za upis u registar udruženja odlučuje sudija pojedinaac.

Član 28.

Upis u registar udruženja vrši se na zahtjev osnivača.

Uz zahtjev za upis udruženja prilaže se: odluka o osnivanju, zapisnik o radu osnivačke skupštine, statut, spisak osnivača i članova organa upravljanja i imena lica ovlašćenih za zastupanje udruženja.

Zahtjev za upis u registar mora se podnijeti u roku od 15 dana od dana održavanja osnivačke skupštine.

Član 29.

O zahtjevu za upis u registar donosi se rješenje.

Rješenje o upisu u registar sadrži: datum upisa i broj registra pod kojim je upis izvršen, naziv udruženja, sjedište i područje na kojem će udruženje djelovati, osnovni sadržaj djelatnosti i odredbu da udruženje ima svojstvo pravnog lica i imena lica ovlašćenih za zastupanje i predstavljanje udruženja.

Član 30.

Ako sud utvrdi da nisu ispunjeni uvjeti iz čl. 11, 12. i 28. ovog zakona ili da zahtjev za upis ima drugih nedostataka, upozorit će na to podnosioca zahtjeva i odredit će rok za otklanjanje nedostataka, koji ne može biti kraći od 15 dana ni duži od dva mjeseca.

Ako podnosilac zahtjeva u ostavljenom roku iz stava 1. ovog člana ne otkloni nedostatke, sud će zahtjev odbaciti.

Član 31.

Rješenje suda o upisu u registar dostavlja se podnosiocu zahtjeva, višem javnom tužiocu i organu uprave koji vrši nadzor nad zakonitošću rada udruženja.

Na rješenje iz stava 1. ovog člana podnosilac zahtjeva i organ uprave koji vrši nadzor nad zakonitošću rada udruženja mogu izjaviti žalbu Vrhovnom sudu Bosne i Hercegovine u roku od osam dana od dana prijema rješenja.

Član 32.

Udruženje može početi sa radom danom upisa u registar. Registar udruženja je javan.

Član 33.

Zahtjev za upis izmjena i dopuna podataka koji se odnose na poslove i djelatnosti, naziv i sjedište udruženja, imena lica ovlašćenih za zastupanje, organe upravljanja i prestanak rada udruženja ovlašćeno lice dužno je podnijeti višem sudu u roku od 15 dana od dana kada je održana skupština udruženja na kojoj su prihvaćene te izmjene, odnosno na kojoj je donesena odluka o prestanku udruženja.

Član 34.

Ministar pravde propisat će obrasce, sadržaj i način vođenja registra udruženja.

VI - PRESTANAK I ZABRANA RADA

Član 35.

Udruženje prestaje sa radom kada nadležni organ udruženja donese odluku o prestanku rada udruženja ili kada nadležni sud donese odluku o zabrani rada udruženja.

Nadležni sud će donijeti odluku o zabrani rada udruženja:

1. ako se utvrdi da je udruženje prestalo djelovati ili je proteklo dvostruko više vremena od vremena utvrđenog statutom za održavanje godišnje skupštine, a skupština nije održana,

2. ako se broj članova udruženja smanji ispod broja određenog za osnivanje udruženja,

3. ako djeluje suprotno odredbama statuta ili ako ne ispunjava zadatke odnosno ciljeve radi kojih je udruženje osnovano ili obavlja djelatnosti za koje nije registrirano,

4. ako je rad udruženja zabranjen iz razloga utvrđenih u članu 4. ovog zakona,

5. ako se učlanilo u inozemnu organizaciju ili udruženje, ili ako sarađuje sa inozemnom organizacijom odnosno udruženjem čijim se djelovanjem provodi neka od aktivnosti koje su zabranjene Ustavom odnosno zakonom.

Činjenice iz stava 2. tač. 1, 2, 3. i 5. ovog člana utvrđuje organ nadležan za vršenje nadzora rada udruženja i podnosi zahtjev za pokretanje postupka pred nadležnim sudom.

Zahtjev za pokretanje postupka za zabranu rada udruženja može pokrenuti i nadležni javni tužilac.

Član 36.

Rješenje o zabrani rada udruženja donosi nadležni viši sud.

U postupku zabrane rada udruženja shodno se primjenjuju odredbe Zakona o krivičnom postupku.

Član 37.

Ako sud izrekne zabranu rada udruženja u obrazloženju mora naznačiti aktivnosti udruženja koje su zabranjene Ustavom, odnosno zakonom.

Rješenjem kojim se izriče zabrana rada udruženja sud će narediti raspuštanje udruženja i odrediti mjere u pogledu imovine, u skladu sa zakonom.

Sud može, u skladu sa svim okolnostima slučaja, odrediti i druge mjere nužne za provođenje rješenja o zabrani rada udruženja, kao što su pečačenje službenih prostorija, gašenje računa kod ovlašćenih organizacija i oduzimanje sredstava kojima je vršena zabranjena aktivnost.

Član 38.

Protiv rješenja višeg suda kojim je zabranjen rad udruženja stranke mogu podnijeti žalbu Vrhovnom sudu Bosne i Hercegovine u roku od osam dana od dana prijema presude.

Žalba se ne dostavlja na odgovor.

Član 39.

Udruženje koje prestaje sa radom, prema odredbi člana 35. stav 1. i stav 2. tač. 1. i 2. ovog zakona, briše se iz registra udruženja na osnovu rješenja suda.

Član 40.

Pravosnažna odluka o upisu u sudski registar udruženja objavljuju se u "Službenom listu RBiH" o trošku udruženja.

Pravosnažna odluka o prestanku ili o zabrani rada udruženja objavljuje se u "Službenom listu RBiH".

Izuzetno, sud može odlučiti da se odluke iz st. 1. i 2. ovog člana objavljuju na oglasnoj tabli.

VII - FINANSIRANJE UDRUŽENJA

Član 41.

Udruženja stiču sredstva od članarine, od priloga i poklona, kao i iz drugih izvora, u skladu sa zakonom.

Član 42.

Ako zakonom, statutom ili drugim aktom udruženja nije drukčije određeno, u slučaju prestanka rada udruženja nekretnine preuzima općina na čijem se području nalaze.

Član 43.

Udruženje vodi evidenciju o finansijskom i materijalnom poslovanju.

Član 44.

Nadzor nad finansijskim poslovanjem udruženja vrši služba za kontrolu finansijskog poslovanja pravnih lica.

VIII - NADZOR NAD ZAKONITOŠĆU RADA UDRUŽENJA

Član 45.

Nadzor nad zakonitošću rada udruženja vrši organ uprave u čiji djelokrug spada praćenje stanja u oblasti na koju se odnosi djelatnost udruženja.

Ako se rad udruženja odvija na području jedne općine nadzor nad zakonitošću rada tih udruženja vrše općinski organi uprave, a ako se rad udruženja odvija na dvije ili više općina, nadzor vrši republički organ uprave iz stava 1. ovog člana.

Član 46.

U vršenju upravnog nadzora nad obavljanjem povjerenih javnih ovlašćenja udruženjima, organi uprave iz člana 45. ovog zakona imaju pravo i dužnost naročito da:

1. rješavaju po žalbi protiv donesenih upravnih akata u vršenju povjerenih javnih ovlašćenja,

2. vrše druga prava koja po zakonu ima drugostepeni organ u upravnom postupku,

3. daju stručna uputstva i objašnjenja za primjenu zakona, drugih propisa i općih akata koji se odnose na vršenje povjerenih javnih ovlašćenja.

Član 47.

Udruženja koja vrše javna ovlašćenja, dužna su organu uprave koji vrši nadzor nad njihovim radom da najmanje jedanput godišnje podnose izvještaj o vršenju povjerenih javnih ovlašćenja.

Član 48.

Ako udruženje koje vrši javna ovlašćenja ne vrši povjerene poslove u skladu sa svojim dužnostima, organ uprave koji vrši nadzor dužan je da pismeno upozori organ upravljanja tog udruženja i predloži mu mjere, a prema potrebi, dužan je da preduzme i druge mjere u okviru svojih prava i dužnosti.

IX - KAZNE NE ODREDBE

Član 49.

Novčanom kaznom od 100 do 500 DEM u dinarskoj protivrijednosti po srednjem kursu koji utvrđuje i objavljuje Narodna banka Bosne i Hercegovine na dan donošenja odluke kaznit će se za prekršaje udruženje:

1. ako djeluje protivno odredbama člana 4. ovog zakona,

2. ako obavlja poslove ili djelatnosti koji nisu u skladu sa ciljevima utvrđenim statutom (član 5.),

3. ako obavlja privrednu i drugu djelatnost bez odobrenja nadležnog organa (član 6.),

4. ako ne osigura zakonito i neometano obavljanje poslova u vezi sa vršenjem javnih ovlašćenja (član 7. stav 2.),

5. ako u propisanom roku ne obavijesti nadležni viši sud o učlanjenju u međunarodnu organizaciju ili udruženje (član 16.),

6. ako u propisanom roku ne podnese zahtjev za registraciju prema odredbama člana 28. ovog zakona ili ako u propisanom roku ne obavijesti organ nadležan za registraciju o promjenama podataka predviđenih u članu 33. ovog zakona,

7. ako započne sa radom prije upisa u sudski registar (član 32.),

8. ako stiče sredstva na način suprotan odredbama člana 41. ovog zakona,

9. ako ne vodi evidenciju o finansijskom i materijalnom poslovanju (član 43.),

10. ako ne dostavi izvještaj iz člana 47. ovog zakona nadležnom organu.

Za prekršaj iz stava 1. ovog člana kaznit će se i odgovorno lice u udruženju novčanom kaznom u iznosu od 20 do 100 DEM u dinarskoj protuvrijednosti po srednjem kursu koji utvrđuje i objavljuje Narodna banka Bosne i Hercegovine na dan donošenja odluke.

X - PRIJELAZNE I ZAVRŠNE ODREDBE

Član 50.

Udruženja koja su do stupanja na snagu ovog zakona upisana u registar udruženja kod nadležnog suda dužna su u roku od šest mjeseci od stupanja na snagu ovog zakona uskladići svoja akta sa odredbama ovog zakona i podnijeti nadležnom sudu za registraciju zahtjev za upis izmjena i dopuna tih akata.

Ako u roku iz stava 1. ovog člana udruženja ne podnesu nadležnom sudu zahtjev sa propisanom dokumentacijom za upis izmjena i dopuna, sud će takvo udruženje brisati iz registra udruženja po službenoj dužnosti i rješenje o tome dostaviti udruženju i organu uprave nadležnom za vršenje nadzora nad radom udruženja.

Na rješenje iz stava 2. ovog člana udruženje može izjaviti žalbu Vrhovnom sudu BiH u roku od osam dana od dana prijema rješenja.

Član 51.

Propis iz člana 34. ovog zakona ministar pravde donijet će u roku od 15 dana od dana stupanja na snagu ovog zakona.

Član 52.

Odredbe ovog zakona ne primjenjuju se na vjerske zajednice, zadužbine, fondacije, vakufe i legate.

Član 53.

Danom stupanja na snagu ovog zakona prestaje da važi Zakon o udruživanju građana ("Službeni list SRBiH", br. 5/90 i 21/90).

Član 54.

Ovaj zakon stupa na snagu danom objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

474

Na osnovu čl. 82. i 90. Zakona o redovnim sudovima ("Službeni list SRBiH", br. 19/86, 25/88 i 33/89 i "Službeni list RBiH", br. 6/92, 11/92 i 19/93), Skupština Republike Bosne i Hercegovine, na sjednici od 7. novembra 1994. godine, donijela je

ODLUKU

O RAZRJEŠENJU I IZBORU SUDIJA REDOVNIH SUDOVA

I

Razrješavaju se dužnosti sudija Višeg suda u Bihaću MIR-SADA GAJIĆ i VOJISLAV PUŠAC, zbog neobavljanja sudijske dužnosti u dužem vremenskom periodu.

II

Razrješava se dužnosti sudije Višeg suda u Sarajevu JELI-SAVETA ZUBIĆ, zbog neobavljanja sudijske dužnosti u dužem vremenskom periodu.

III

Razrješava se dužnosti sudije Osnovnog suda u Bihaću BORISLAV PADEN, zbog neobavljanja sudijske dužnosti u dužem vremenskom periodu.

IV

Razrješava se dužnosti sudije Osnovnog suda I u Sarajevu DINKA BEŠLAGIĆ-ČOVRK, radi odlaska na drugu dužnost.

V

Razrješava se dužnosti sudije u Osnovnom sudu II u Sarajevu NERMINA MUTEVELIĆ, radi odlaska na drugu dužnost.

VI

Razrješava se dužnosti sudije Osnovnog suda u Tešnju TOMISLAV KULIĆ, na lični zahtjev.

VII

Za sudije Višeg suda u Sarajevu izabrani su: NERMINA MUTEVELIĆ, DINKA BEŠLAGIĆ-ČOVRK i IBRAHIM HADŽIĆ.

VIII

Za sudije Osnovnog suda I u Sarajevu izabrani su: SLOBODAN KAURIN, MIRŠADA DŽINDO, ALTIJANA ŠETA-ARNAUTOVIĆ i AMINA BEGOVIĆ.

IX

Za sudije Osnovnog suda u Kladnju izabrani su: JASMINKA BEGIĆ, MINA GURDA i VAHUDIN RUSTEMOVIĆ.

X

Odluku objaviti u "Službenom listu RBiH".

S broj 193
7. novembra 1994. godine
Sarajevo

Predsjednik
Skupštine RBiH,
Miro Lazović, s. r.

475

Na osnovu člana 20. Zakona o okružnim vojnim sudovima ("Službeni list RBiH", br. 12/92, 21/92, 23/92, 17/93, 22/93, 13/94 i 28/94) na prijedlog ministra pravde, Skupština Republike Bosne i Hercegovine, na sjednici od 7. novembra, donijela je

ODLUKU

O RAZRJEŠENJU SUDIJA U OKRUŽNIM VOJNIM SUDOVIMA

I

Razrješava se dužnosti sudije u Okružnom vojnom sudu u Doboju ZIJAD MEHMEDAGIĆ, radi odlaska na drugu dužnost.

II

Razrješava se dužnosti sudije u Okružnom vojnom sudu u Sarajevu NIHAD ŠEREMET, zbog neobavljanja sudijske dužnosti u dužem vremenskom periodu.

III

Odluku objaviti u "Službenom listu RBiH".

S broj 194
7. novembra 1994. godine
Sarajevo

Predsjednik
Skupštine RBiH,
Miro Lazović, s. r.

476

Na osnovu člana 27. Zakona o javnom tužilaštvu ("Službeni list SRBiH", br. 19/84, 25/88 i 33/89 i "Službeni list RBiH", br. 6/92, 9/92, 21/92 i 19/93), Skupština Republike Bosne i Hercegovine, na sjednici od 7. novembra 1994. godine, donijela je

ODLUKU**O RAZRJEŠENJU I IMENOVANJU JAVNOG TUŽIOCA I ZAMJENIKA JAVNIH TUŽILACA****I**

Razrješava se dužnosti zamjenika republičkog javnog tužioca ŠABAN mr KREHO, radi prijevremenog odlaska u penziju.

II

Razrješava se dužnosti zamjenika osnovnog javnog tužioca u Osnovnom javnom tužilaštvu II u Sarajevu AMIR MEHME-DAGIĆ, zbog neobavljanja dužnosti u dužem vremenskom periodu.

III

Razrješava se dužnosti zamjenika osnovnog javnog tužioca u Osnovnom javnom tužilaštvu I u Sarajevu BRANKO ŠLJIVAR, radi odlaska na drugu dužnost.

IV

Razrješavaju se dužnosti zamjenika osnovnog javnog tužioca u Osnovnom javnom tužilaštvu u Brčkom: ŽARKO KNEŽEVIĆ, TEODOR GAVRIĆ, STEVAN SOFIĆ i ENIS HASAN-BEGOVIĆ, zbog neobavljanja dužnosti u dužem vremenskom periodu.

V

Razrješava se dužnosti osnovnog javnog tužioca u Osnovnom javnom tužilaštvu u Zavidovićima MIRAD SULJIĆ, radi odlaska na drugu dužnost.

VI

Za zamjenika osnovnog javnog tužioca u Osnovnom javnom tužilaštvu I u Sarajevu imenovan je SELMAN ZIJADIĆ.

VII

Za zamjenika višeg javnog tužioca u Višem javnom tužilaštvu u Zenici imenovan je MIRAD SULJIĆ.

VIII

Odluku objaviti u "Službenom listu RBiH".

S broj 195 Predsjednik
7. novembra 1994. godine Skupštine RBiH,
Sarajevo Miro Lazović, s. r.

477

Na osnovu člana 11. Zakona o okružnom vojnom tužilaštvu ("Službeni list RBiH", br. 12/92, 21/92, 23/92, 22/93, 13/94 i 28/94) na prijedlog ministra pravde, Skupština Republike Bosne i Hercegovine, na sjednici od 7. novembra 1994. godine, donijela je

ODLUKU**O IMENOVANJU ZAMJENIKA OKRUŽNOG VOJNOG TUŽIOCA U OKRUŽNOM VOJNOM TUŽILAŠTVU U SARAJEVU****I**

Za zamjenika okružnog vojnog tužioca u Okružnom vojnom tužilaštvu u Sarajevu imenovan je BRANKO ŠLJIVAR, dosadašnji zamjenik osnovnog javnog tužioca u Osnovnom javnom tužilaštvu I u Sarajevu.

II

Ministarstvo pravde regulisat će status i druga pitanja zamjenika okružnog vojnog tužioca.

III

Odluku objaviti u "Službenom listu RBiH".

S broj 196 Predsjednik
7. novembra 1994. godine Skupštine RBiH,
Sarajevo Miro Lazović, s. r.

478

Na osnovu člana 14b. Zakona o Radio-televiziji Bosne i Hercegovine ("Službeni list SRBiH", broj 21/90 i "Službeni list RBiH", br. 4/92 i 15/94), Skupština Republike Bosne i Hercegovine, na sjednici od 7. novembra 1994. godine, donijela je

ODLUKU**O IMENOVANJU PET ČLANOVA UPRAVNOG ODBORA RADIO-TELEVIZIJE BOSNE I HERCEGOVINE****I**

Za članove Upravnog odbora Radio-televizije Bosne i Hercegovine imenuju se:

1. KASIM BEGIĆ,
2. TOMISLAV OBRDALJ,
3. ENVER KRESO,
4. DINO KUSTURICA,
5. VOJO RADOJIČIĆ.

II

Ovu odluku objaviti u "Službenom listu RBiH".

S broj 197 Predsjednik
7. novembra 1994. godine Skupštine RBiH,
Sarajevo Miro Lazović, s. r.

479

Na osnovu člana 13. Zakona o Radio-televiziji Bosne i Hercegovine ("Službeni list SRBiH", broj 21/90 i "Službeni list RBiH", br. 4/92 i 15/94), Skupština Republike Bosne i Hercegovine, na sjednici od 7. novembra 1994. godine, donijela je

ODLUKU**O IMENOVANJU ČLANOVA PROGRAMSKOG VIJEĆA RADIO TELEVIZIJE BOSNE I HERCEGOVINE****I**

Za članove Programskog vijeća Radio-televizije Bosne i Hercegovine imenuju se:

1. JASMINA MUSABEGOVIĆ
2. MIRKO MARJANOVIĆ
3. GORAN SIMIĆ
4. MUSTAFA SPAHIĆ
5. JAKOB FINCI
6. LJUBO LUCIĆ
7. JURAJ MARTINOVIĆ
8. ABDULAH SIDRAN
9. AZRA BEGIĆ
10. ASAF DŽANIĆ
11. NEDŽAD IBRIŠIMOVIĆ
12. INDIRA HARAČIĆ
13. NEDŽAD KURTO
14. NIJAZ ABADŽIĆ
15. DINO MUSTAFIĆ
16. ENES KARIĆ
17. ŽELJKO GRUBJEŠIĆ
18. MARJAN RAVLIĆ
19. GRADIMIR GOJER
20. VLADO PANDŽIĆ
21. HAZIM RANČIĆ

II

Ovu odluku objaviti u "Službenom listu RBiH".

S broj 198 Predsjednik
7. novembra 1994. godine Skupštine RBiH,
Sarajevo Miro Lazović, s. r.

480

Na osnovu člana 25. stav 3. a u vezi sa članom 24. stav 2. Zakona o ministarstvima i drugim organima državne uprave Republike Bosne i Hercegovine ("Službeni list RBiH", broj 15/94), Skupština Republike Bosne i Hercegovine, na sjednici od 7. novembra 1994. godine, donijela je

ODLUKU**O RAZRJEŠENJU ZAMJENIKA MINISTRA OBRAZOVANJA, NAUKE, KULTURE I SPORTA U VLADI REPUBLIKE BOSNE I HERCEGOVINE****I**

Razrješava se dužnosti zamjenika ministra obrazovanja, nauke, kulture i sporta u Vladi Republike Bosne i Hercegovine IVO ANDRIĆ-LUŽANSKI, sa 12. avgustom 1994. godine, na lični zahtjev.

II

Ovu odluku objaviti u "Službenom listu RBiH".

S broj 200

7. novembra 1994. godine

Sarajevo

Predsjednik

Skupštine RBiH,
Miro Lazović, s. r.

481

Na osnovu člana 25. stav 3. a u vezi sa članom 24. stav 2. Zakona o ministarstvima i drugim organima državne uprave Republike Bosne i Hercegovine ("Službeni list RBiH", broj 15/94), Skupština Republike Bosne i Hercegovine, na sjednici od 7. novembra 1994. godine, donijela je

ODLUKU**O IMENOVANJU ZAMJENIKA MINISTRA OBRAZOVANJA, NAUKE, KULTURE I SPORTA U VLADI REPUBLIKE BOSNE I HERCEGOVINE****I**

Za zamjenika ministra obrazovanja, nauke, kulture i sporta u Vladi Republike Bosne i Hercegovine, imenuje se prof. dr JOZO BUDIMIR.

II

Ovu odluku objaviti u "Službenom listu RBiH".

S broj 201

7. novembra 1994. godine

Sarajevo

Predsjednik

Skupštine RBiH,
Miro Lazović, s. r.

482

Na osnovu Amandmana LI tačka 5. stav 3. na Ustav Republike Bosne i Hercegovine, Skupština Republike Bosne i Hercegovine, na zajedničkoj sjednici Skupštine od 7. novembra 1994. godine, donijela je

ODLUKU**O POTVRDIVANJU ODLUKA KAO OPŠTIH AKATA KOJE JE PREDSJEDNIŠTVO REPUBLIKE BOSNE I HERCEGOVINE DONIJELO U FUNKCIJI SKUPŠTINE REPUBLIKE BOSNE I HERCEGOVINE****Član 1.**

Potvrđuju se odluke koje je Predsjedništvo Republike Bosne i Hercegovine donijelo na osnovu Amandmana LI tačka 5. stav 3. na Ustav Republike Bosne i Hercegovine u funkciji Skupštine Republike Bosne i Hercegovine, i to:

1. Odluka o ciljevima i zadacima devizne politike i projekcije platnog bilansa u 1994. godini ("Službeni list RBiH", broj 19/94),

2. Odluka o ciljevima i zadacima monetarno-kreditne politike u 1994. godini ("Službeni list RBiH", broj 19/94),

3. Odluka o deviznim sredstvima za finansiranje opštih društvenih potreba za period april-juni 1991. godine, i

4. Odluka o davanju saglasnosti na Statut Javnog preduzeća Novinske agencije Bosne i Hercegovine "BiH PRES", Sarajevo ("Službeni list RBiH", broj 14/94).

Član 2.

Ova odluka stupa na snagu osmog dana od dana objavljivanja u "Službenom listu RBiH".

SKUPŠTINA**REPUBLIKE BOSNE I HERCEGOVINE**

S broj 202

8. novembra 1994. godine

Sarajevo

Predsjednik

Skupštine RBiH,
Miro Lazović, s. r.

483

Na osnovu Amandmana LXXI tačka 4. alineja 2. na Ustav Republike Bosne i Hercegovine i člana 8. Zakona o ustanovama ("Službeni list RBiH", br. 6/92, 8/93 i 13/94), Skupština Republike Bosne i Hercegovine, na sjednici održanoj 7. novembra 1994. godine, donijela je

ODLUKU**O PREUZIMANJU PRAVA I OBAVEZA OSNIVAČA PREMA FILOZOFSKOM FAKULTETU U TUZLI****Član 1.**

Skupština Republike Bosne i Hercegovine preuzima od Skupštine okruga Tuzla prava i obaveze osnivača prema Filozofskom fakultetu u Tuzli (u daljem tekstu: Fakultet).

Fakultet je javna visokoškolska ustanova u državnoj svojini.

Član 2.

Na Fakultetu se stiču stručni nazivi profesor i nastavnik, u skladu sa Odlukom o osnivanju Filozofskog fakulteta u Tuzli, koju je donijela Skupština okruga Tuzla 27. decembra 1993. godine.

Član 3.

Vlada Republike Bosne i Hercegovine imenovaće dekana, upravni i nadzorni odbor Fakulteta, u roku od 30 dana od dana stupanja na snagu ove odluke.

Član 4.

Ova odluka stupa na snagu osmog dana od dana objavljivanja u "Službenom listu RBiH".

SKUPŠTINA**REPUBLIKE BOSNE I HERCEGOVINE**

S broj 203

7. novembra 1994. godine

Sarajevo

Predsjednik

Skupštine RBiH,
Miro Lazović, s. r.

484

Na osnovu Amandmana LXXI tačka 4. alineja 2. na Ustav Republike Bosne i Hercegovine i člana 8. Zakona o ustanovama ("Službeni list RBiH", br. 6/92, 8/93 i 13/94), Skupština Republike Bosne i Hercegovine, na sjednici održanoj 7. novembra 1994. godine, donijela je

ODLUKU**O PREUZIMANJU PRAVA I OBAVEZA OSNIVAČA
PREMA DEFEKTOLOŠKOM FAKULTETU U TUZLI****Član 1.**

Skupština Republike Bosne i Hercegovine preuzima od Skupštine okruga Tuzla prava i obaveze osnivača prema Defektološkom fakultetu u Tuzli (u daljem tekstu: Fakultet).

Fakultet je javna visokoškolska ustanova u državnoj svojini.

Član 2.

Na Fakultetu se stiče stručni naziv diplomirani defektolog, u skladu sa Odlukom o osnivanju Defektološkog fakulteta, koju je donijela Skupština okruga Tuzla 23. septembra 1993. godine.

Član 3.

Vlada Republike Bosne i Hercegovine imenovaće dekana, upravni i nadzorni odbor Fakulteta, u roku od 30 dana od dana stupanja na snagu ove odluke.

Član 4.

Ova odluka stupa na snagu osmog dana od dana objavljivanja u "Službenom listu RBiH".

**SKUPŠTINA
REPUBLIKE BOSNE I HERCEGOVINE**

S broj 204
7. novembra 1994. godine
Sarajevo

Predsjednik
Skupštine RBiH,
Miro Lazović, s. r.

485

Na osnovu Amandmana LXXI tačka 4. alineja 2. na Ustav Republike Bosne i Hercegovine i člana 14. Zakona o ustanovama ("Službeni list RBiH", br. 6/92, 8/93 i 13/94), a u vezi sa članom 33. Zakona o muzejskoj djelatnosti ("Službeni list RBiH", br. 13/93 i 13/94), Skupština Republike Bosne i Hercegovine, na sjednici održanoj 7. novembra 1994. godine, donijela je

ODLUKU**O DAVANJU SAGLASNOSTI ZA PRIPAJANJE
MUZEJA I ZASJEDANJA AVNOJ-a U BIHAĆU
REGIONALNOM MUZEJU "POUNJA" U BIHAĆU****I**

Skupština Republike Bosne i Hercegovine saglasna je da se Muzej I zasjedanja AVNOJ-a u Bihaću, nad kojim je vršila prava osnivača, pripoji Regionalnom muzeju "Pounja" u Bihaću i nastavi rad kao odjeljenje ovog muzeja.

II

Prava i obaveze Skupštine Republike Bosne i Hercegovine prema Muzeju I zasjedanja AVNOJ-a u Bihaću prestaju danom upisa odluke o pripajanju ovog muzeja Regionalnom muzeju "Pounja" u Bihaću u sudski registar ustanova.

III

Ova odluka stupa na snagu osmog dana od dana objavljivanja u "Službenom listu RBiH".

**SKUPŠTINA
REPUBLIKE BOSNE I HERCEGOVINE**

S broj 205
7. novembra 1994. godine
Sarajevo

Predsjednik
Skupštine RBiH,
Miro Lazović, s. r.

486

Na osnovu Amandmana LI tačka 5. stav 3. na Ustav Republike Bosne i Hercegovine, Skupština Republike Bosne i Hercegovine, na zajedničkoj sjednici Skupštine od 7. novembra 1994. godine, donijela je

ODLUKU**O POTVRDIVANJU ODLUKA O IZBORU,
IMENOVANJU I RAZRJEŠENJU, KOJE JE
PREDSJEDNIŠTVO RBiH DONIJELO U FUNKCIJI
SKUPŠTINE RBiH****Član 1.**

Potvrđuju se odluke o izboru, imenovanju i razrješenju, koje je Predsjedništvo Republike Bosne i Hercegovine donijelo na osnovu Amandmana LI tačka 5. stav 3. na Ustav Republike Bosne i Hercegovine, u funkciji Skupštine Republike Bosne i Hercegovine, i to:

1. Odluka o razrješenju i izboru sudija redovnih sudova ("Službeni list RBiH", broj 11/94),

2. Odluka o razrješenju i izboru sudija redovnih sudova ("Službeni list RBiH", broj 14/94),

3. Odluka o razrješenju republičkog javnog pravobranioca ("Službeni list RBiH", broj 14/94),

4. Odluka o razrješenju javnih tužilaca ("Službeni list RBiH", broj 14/94),

5. Odluka o izboru sudije Ustavnog suda Bosne i Hercegovine ("Službeni list RBiH", broj 19/94),

6. Odluka o izboru sudija Okružnog vojnog suda u Sarajevu ("Službeni list RBiH", broj 19/94),

7. Odluka o razrješenju i izboru sudija redovnih sudova ("Službeni list RBiH", broj 19/94),

8. Odluka o razrješenju i imenovanju javnih tužilaca i zamjenika javnih tužilaca ("Službeni list RBiH", broj 19/94),

9. Odluka o imenovanju zamjenika okružnog vojnog tužioca u Okružnom vojnom tužilaštvu u Sarajevu ("Službeni list RBiH", broj 19/94),

10. Odluka o razrješenju sudije Višeg suda za prekršaje u Sarajevu ("Službeni list RBiH", broj 19/94),

11. Odluka o razrješenju okružnog vojnog tužioca u Sarajevu ("Službeni list RBiH", broj 20/94),

12. Odluka o razrješenju sudija redovnih sudova ("Službeni list RBiH", broj 20/94),

13. Odluka o razrješenju i imenovanju javnih tužilaca i zamjenika javnih tužilaca ("Službeni list RBiH", broj 20/94),

14. Odluka o imenovanju okružnog vojnog tužioca i zamjenika okružnog vojnog tužioca u Okružnom vojnom tužilaštvu u Sarajevu ("Službeni list RBiH", broj 25/94),

15. Odluka o razrješenju i izboru predsjednika i sudija redovnih sudova ("Službeni list RBiH", broj 25/94),

16. Odluka o razrješenju sudija u okružnim vojnim sudovima ("Službeni list RBiH", broj 25/94),

17. Odluka o razrješenju zamjenika okružnog vojnog tužioca u Okružnom vojnom tužilaštvu u Sarajevu ("Službeni list RBiH", broj 25/94),

18. Odluka o razrješenju javnih tužilaca i zamjenika javnog tužioca ("Službeni list RBiH", broj 25/94).

Član 2.

Ova odluka stupa na snagu osmog dana od dana objavljivanja u "Službenom listu RBiH".

**SKUPŠTINA
REPUBLIKE BOSNE I HERCEGOVINE**

S broj 206
8. novembra 1994. godine
Sarajevo

Predsjednik
Skupštine RBiH,
Miro Lazović, s. r.

487

Na osnovu Amandmana LXXI tačka 4. alineja 2. na Ustav Republike Bosne i Hercegovine i člana 22. Zakona o Akademiji nauka i umjetnosti Bosne i Hercegovine ("Službeni list SR BiH", br. 40/75 i 33/81 i "Službeni list RBiH", broj 15/94), Skupština Republike Bosne i Hercegovine, na sjednici održanoj 7. novembra 1994. godine, donijela je

ODLUKU**O DAVANJU SAGLASNOSTI NA ODLUKU O IZMJENAMA I DOPUNAMA STATUTA AKADEMIJE NAUKA I UMJETNOSTI BOSNE I HERCEGOVINE****I**

Daje se saglasnost na Odluku o izmjenama i dopunama Statuta Akademije nauka i umjetnosti Bosne i Hercegovine, broj: 01-02-90/94 od 26. jula 1994. godine.

II

Ovu odluku objaviti u "Službenom listu RBiH".

**SKUPŠTINA
REPUBLIKE BOSNE I HERCEGOVINE**

S broj 207
7. novembra 1994. godine
Sarajevo

Predsjednik
Skupštine RBiH,
Miro Lazović, s. r.

488

Na osnovu člana 56. stav 3. Zakona o zaštiti životinja od zaraznih bolesti koje ugrožavaju cijelu zemlju ("Službeni list RBiH", broj 2/92), Vlada Republike Bosne i Hercegovine, donosi

ODLUKU**O VISINI NAKNADE ZA IZVRŠENI
VETERINARSKO-SANITARNI PREGLED U
PROMETU PREKO GRANICE REPUBLIKE BOSNE I
HERCEGOVINE****I**

Za izvršeni veterinarsko-sanitarni pregled na graničnom prelazu pri izvozu, uvozu i provožu (tranzitu) pošiljaka životinja, proizvoda, sirovina i otpadaka životinjskog porijekla, sjemena za vještačko osjemenjivanje životinja, oplodjenih jajnih ćelija za oplodjavanje životinja i drugih predmeta kojima se može prenositi zarazna bolest naplaćuje se naknada.

II

Visina naknade za vagonске, kamionske, brodske, kontejnerske i avionske pošiljke iznosi:

1) za pošiljke kopitara (konji, mazge, magarci i mule) i papkara (goveda, bivoli, ovce, koze i svinje) u prevoznom sredstvu:

- pri izvozu do deset tona neto-mase - 60 DEM, a za svaku slijedeću započetu tonu još po 6 DEM;

- pri uvozu do deset tona neto-mase - 70 DEM, a za svaku slijedeću započetu tonu još po 7 DEM;

- u provožu (tranzitu) do deset tona neto-mase - 180 DEM, a za svaku slijedeću započetu tonu još po 18 DEM.

2) za pošiljke peradi (kokoši, ćurke, guske, patke i druga domaća perad) i kunića u prevoznom sredstvu:

- pri izvozu i uvozu do pet tona neto-mase - 60 DEM, a za svaku slijedeću započetu tonu još po 5 DEM;

- u provožu (tranzitu) do pet tona neto-mase - 170 DEM, a za svaku slijedeću započetu tonu još po 17 DEM.

3) za pošiljke jednodnevne peradi (pilići, ćurići, gušćići, pačići i dr.) u prevoznom sredstvu:

- pri izvozu i uvozu do 10.000 komada - 60 DEM, a za svakih slijedećih započelih 1.000 komada još po 5 DEM;

- u provožu (tranzitu) do 10.000 komada - 180 DEM, a za svakih slijedećih započelih 1.000 komada još po 18 DEM.

4) za pošiljke pčela, svilenih buba, riba, rakova, školjki, ježeva, kornjača, puževa, žaba, pijavica, kalifornijskih glista i drugih gmizavaca i mekušaca i njihovih proizvoda u prevoznom sredstvu:

- pri izvozu i uvozu do deset tona neto-mase - 70 DEM, a za svaku slijedeću započetu tonu još po 7 DEM;

- u provožu (tranzitu) do deset tona neto-mase - 160 DEM, a za svaku slijedeću započetu tonu još po 16 DEM.

5) za pošiljke mesa u prevoznom sredstvu:

- pri izvozu i uvozu do deset tona neto-mase - 70 DEM, a za svaku slijedeću započetu tonu još po 7 DEM;

- u provožu (tranzitu) do deset tona neto-mase - 160 DEM, a za svaku slijedeću započetu tonu još po 16 DEM.

6) za pošiljke proizvoda od mesa, mlijeka i proizvoda od mlijeka, jaja i proizvoda od jaja, masti i loja u prevoznom sredstvu:

- pri izvozu i uvozu do deset tona neto-mase - 60 DEM, a za svaku slijedeću započetu tonu još po 6 DEM;

- u provožu (tranzitu) do deset tona neto-mase - 170 DEM, a za svaku slijedeću započetu tonu još po 17 DEM. Za brodske i avionske pošiljke ako je cjelokupno prevožno sredstvo jedna pošiljka do deset tona neto-mase naknada iznosi 170 DEM, a za svaku slijedeću započetu tonu još po 5 DEM.

7) za pošiljke sjemena za vještačko osjemenjivanje životinja i oplodjenih jajnih ćelija za oplodjavanje životinja po jednom prevoznom sredstvu:

- pri izvozu i uvozu - 60 DEM;

- u provožu (tranzitu) - 170 DEM.

8) za pošiljke tehničke masnoće životinjskog porijekla, brašna životinjskog porijekla (mesno, mesno-koštano, koštano, krvno, riblje, od perja, od rožine i dr.), mješavine za hranu za životinje koje sadrže sirovine životinjskog porijekla, pošiljke koža, kosti, vune, dlake, čekinja, griva, repova, rogova, kopita, papaka, životinjskih unutrašnjih organa i životinjske tjelesne tečnosti u prevoznom sredstvu:

- pri izvozu i uvozu do deset tona neto-mase - 60 DEM, a za svaku slijedeću započetu tonu još po 5 DEM;

- u provožu (tranzitu) do deset tona neto-mase - 170 DEM, a za svaku slijedeću započetu tonu još po 17 DEM. Za brodske i avionske pošiljke ako je cjelokupno prevožno sredstvo jedna pošiljka do deset tona neto-mase naknada iznosi 170 DEM, a za svaku započetu tonu još po 5 DEM.

III

Visina naknade za denčane pošiljke iznosi, i to:

1) za svakog konja, mazgu, magarca, mulu, govedo i bivola, odnosno za svakih započelih deset komada ovaca, koza i svinja ili 50 komada peradi ili ptica:

- pri izvozu i uvozu - 25 DEM;

- u provožu (tranzitu) - 125 DEM.

2) za pošiljke ukrasnih i egzotičnih ptica i životinja:

- pri izvozu i uvozu za svakih započelih 50 komada - 25 DEM;

- u provožu (tranzitu) za svakih započelih 50 komada - 125 DEM.

3) za pošiljke peradi (kokoši, ćurke, guske, patke i druga domaća perad) i kunića:

- pri izvozu i uvozu za svakih započelih 50 komada - 25 DEM;

• - u provožu (tranzitu) za svakih započelih 50 komada - 125 DEM.

4) za pošiljke jednodnevne peradi (pilići, ćurići, gušćići, pačići i dr.):

- pri izvozu i uvozu za svakih započelih 50 komada - 25 DEM;

- u provožu (tranzitu) za svakih započelih 50 komada - 125 DEM.

5) za pošiljke pčela, svilenih buba, riba, rakova, školjki, ježeva, kornjača, puževa, žaba, pijavica, kalifornijskih glista i drugih gmizavaca i mekušaca i njihovih proizvoda:

- pri izvozu i uvozu do tri koleta - 30 DEM, a za svako slijedeće koletu još po 3 DEM;

- u provozu (tranzitu) do tri koleta - 100 DEM, a za svako slijedeće koletu još po 10 DEM.

6) za pošiljke mesa:

- pri izvozu i uvozu do tri koleta - 30 DEM, a za svako slijedeće koletu još po 3 DEM;

- u provozu (tranzitu) do tri koleta - 100 DEM, a za svako slijedeće koletu još po 10 DEM.

7) za pošiljke proizvoda od mesa, mlijeka i proizvoda od mlijeka, jaja i proizvoda od jaja, masti i loja:

- pri izvozu i uvozu do tri koleta - 30 DEM, a za svako slijedeće koletu još po 3 DEM;

- u provozu (tranzitu) do tri koleta - 100 DEM, a za svako slijedeće koletu još po 10 DEM.

8) za pošiljke sjemenja za vještačko osjemenjivanje životinja i oplodjenih jajnih ćelija za oplodjavanje životinja:

- pri izvozu i uvozu do tri koleta - 30 DEM, a za svako slijedeće koletu još po 3 DEM;

- u provozu (tranzitu) do tri koleta - 100 DEM, a za svako slijedeće koletu još po 10 DEM.

9) za pošiljke tehničke masnoće životinjskog porijekla, brašna životinjskog porijekla (mesno, mesno-koštano, koštano, krvno, riblje, od perja, od rožine i dr.), mješavine za hranu za životinje koje sadrže sirovine životinjskog porijekla, pošiljke koža, kosti, vune, dlake, čekinja, griva, repova, rogova, kopita, papaka, životinjskih unutrašnjih organa i životinjske tjelesne tečnosti:

- pri izvozu i uvozu do tri koleta - 30 DEM, a za svako slijedeće koletu još po 3 DEM;

- u provozu (tranzitu) do tri koleta - 100 DEM, a za svako slijedeće koletu još po 10 DEM.

Ukupna naknada za denčane pošiljke ne može iznositi više od vrijednosti propisane za tu vrstu pošiljke, ako bi se otpremala kao vagona, kamionska, brodska, kontejnerska ili avionska.

IV

Visina naknade za pse, mačke, divljač, zvijeri, laboratorijske životinje, majmune i druge pripitomljene divlje životinje po komadu, odnosno po pošiljci, iznosi:

- pri izvozu i provozu (tranzitu) - 50 DEM;

- pri uvozu - 60 DEM.

V

Visina naknade za ostatak tovara poslije čišćenja broda, odnosno šlepa, po brodu, odnosno šlepu iznosi 120 DEM.

VI

Naknada za izvršeni pregled pošiljaka iz tač. II do V ove odluke u provozu (tranzitu) plaća se na ulaznom graničnom prelazu.

Izuzetno, ako pregled nije izvršen na ulaznom graničnom prelazu, pošiljka se pregleda na izlaznom graničnom prelazu, a naknada za pregled povećava se za 100% od naknade predviđene tim tačkama.

Naknada za izvršeni pregled pošiljaka iz tač. II do V ove odluke u provozu (tranzitu) koje se pretovaraju u lukama i vazduhoplovnim pristaništima povećava se za 50%.

VII

Naknada za pregled pošiljaka iz tač. II do V ove odluke koji se vrše u toku noći (na graničnim prelazima na kojima za to postoje uslovi) povećava se za 100% od iznosa naknade predviđene tim tačkama.

VIII

Ako izvoznik, uvoznik i špediter koji obavlja prevoz pravovremeno ne pripreme pošiljke za veterinarsko-sanitarni pre-

gled, a pozovu graničnog veterinarskog inspektora i inspektor izadze na mjesto pregleda u zakazano vrijeme, izvoznik, uvoznik i špediter dužni su da za svaki sat inspektorovog čekanja plate naknadu u iznosu od 10 DEM.

IX

Visina naknade za pošiljke životinjskih proizvoda namijenjenih izvozu, ako se međunarodnim ugovorom za te pošiljke zahtijeva uvjerenje da potiču iz područja koja nisu zaražena zaraznim bolestima životinja koje bi se odnosnim proizvodom mogle prenijeti sa druge životinje, iznosi:

- za vagon, kamion i kontejner - 70 DEM;

- za brod i avion - 120 DEM.

X

Naknade se ne plaćaju za veterinarsko-sanitarni pregled pošiljaka humanitarne pomoći za Republiku Bosnu i Hercegovinu.

XI

Sredstva ostvarena po osnovu naknade iz tač. I do IX ove odluke prihod su Republike Bosne i Hercegovine i koriste se za modernizaciju i opremanje graničnih veterinarskih stanica.

Naknade se uplaćuju na račun broj 840-3301 kod Službe društvenog knjigovodstva Bosne i Hercegovine u dinarskoj protivvrijednosti po srednjem kursu koji utvrđuje i objavljuje Narodna banka Bosne i Hercegovine na dan plaćanja.

XII

Danom stupanja na snagu ove odluke prestaje da važi Odluka o visini naknade za izvršeni veterinarsko-sanitarni pregled pošiljaka u prometu preko granice Republike Bosne i Hercegovine ("Službeni list RBiH", broj 18/93).

XIII

Ova odluka stupa na snagu danom objavljivanja u "Službenom listu RBiH".

V broj 180/94

6. novembra 1994. godine
Sarajevo

Predsjednik

Vlade RBiH,
dr Haris Silajdžić, s. r.

489

Na osnovu člana 3. stav 1. Zakona o naknadama za korišćenje podataka i vršenje usluga u oblasti premjera i katastra nekretnina ("Službeni list SRBiH", br. 38/85 i 12/87 i "Službeni list RBiH", broj 4/93), Vlada Republike Bosne i Hercegovine, donosi

ODLUKU

O IZMJENAMA ODLUKE O VISINI NAKNADE ZA KORIŠĆENJE PODATAKA PREMJERA I KATASTRA NEKRETNINA

I

U Odluci o visini naknada za korišćenje podataka premjera i katastra nekretnina ("Službeni list SRBiH", br. 41/89, 7/90, 43/90, 22/91 i 6/92 i "Službeni list RBiH", br. 19/92, 14/93 i 11/94) Tarifa koja je sastavni dio ove odluke mijenja se i glasi:

TARIFA

NAKNADA ZA KORIŠĆENJE PODATAKA PREMJERA, KATASTRA NEKRETNINA, KATASTRA ZEMLJIŠTA I VRŠENJA USLUGA

A. Naknada za korišćenje podataka

1. Geodetska osnova

Tarifni broj 1.

Plaća se DM

a) za podatke triangulacije svih redova i poligonometrije koja zamjenjuje triangulaciju, po tački

4,30

- b) za podatke nivelmana svih redova uključivo i gradske nivelmanske mreže, po reperu
c) za podatke mreže veznih tačaka, po tački
d) za podatke mreže poligonskih tačaka po tački

Plaća se DM

2,20

3,10

2,20

NAPOMENA: Naknada se odnosi na tačku odnosno reper, bez obzira na to da li sadrži samo koordinate, koordinate i visinu, položajni opis ili sve podatke.

2. Planovi

Tarifni broj 2.

- a) za planove na kartografskom papiru:

1. razmjere 1:1000 i 1:500, po listu
2. razmjere 1:2500 formata 45x60 cm po listu
3. razmjere 1:2500 formata 60x90 cm po listu
4. razmjere 1:5000, po listu
5. razmjere 1:6250, 1:3125 i 1:1562,5 stari austrougarski premjer po listu

6,70

6,00

12,00

16,70

1,70

- b) za planove na providnom papiru:

Za sve proizvode pod rednim brojem 1 do 7 tačke
a) naknada po listu povećava se za 100%.

3. Karte

Tarifni broj 3.

- a) za kartu na kartografskom papiru:

1. razmjere 1:5000, po listu
2. razmjere 1:10.000, po listu
3. topografska karta razmjere 1:25.000 (potpun sadržaj-četverbojni tisak), po listu
4. topografska karta razmjere 1:25.000 (potpun sadržaj-sivi tisak), po listu
5. topografska karta razmjere 1:25.000 (reljef i hidrografija), po listu
6. topografska karta razmjere 1:200.000 (potpun sadržaj-četverbojni tisak), po listu
7. topografska karta razmjere 1:200.000 (potpun sadržaj-sivi tisak), po listu
8. karta katastarskih opština R BiH razmjere 1:300.000 slijepljena sa lajsnama
9. karta katastarskih opština R BiH razmjere 1:300.000 u listovima
10. karta naseljenih mjesta R BiH razmjere 1:200.000 kaširana sa lajsnama
11. karta naseljenih mjesta R BiH razmjere 1:200.000 u listovima
12. karta R BiH razmjere 1:1.000.000
13. karta "Skica podjela na listove" razmjere 1:100.000, po listu

16,70

20,00

4,70

3,30

2,20

6,70

4,70

26,70

14,70

50,00

33,30

5,00

10,00

- b) za karte na providnom papiru:

Za sve proizvode pod brojem 1-7 tačke a)
naknada po listu povećava se za 100%.

4. Kopije planova

Tarifni broj 4.

- a) za kopije planova na neprovidnom papiru:

1. razmjere 1:1000 i 1:1500, po listu
2. razmjere 1:2500 format 45x60 cm, po listu
3. razmjere 1:2500 format 60x90 cm, po listu
4. razmjere 1:5000, po listu

4,70

5,00

10,00

14,00

- b) za kopije planova na providnom papiru:

Za sve proizvode pod brojem 1-6 tačke a)
naknada po listu povećava se za 100%.

5. Kopije karata

Tarifni broj 5.

- a) za kopije karata na neprovidnom papiru:

1. razmjere 1:5000, po listu
2. razmjere 1:10.000, po listu
3. karta R BiH razmjere 1:1.000.000
4. karta podjele Republike na katastarske opštine razmjere 1:150.000, po listu
5. karta "Skica podjele na listove" razmjere 1:100.000, po listu

- b) za kopije karata na providnom papiru:

Za sve proizvode pod brojem 1-5 tačke a)
naknada po listu povećava se 100%.

Napomena uz Tarifni broj 2-5.

1. Za korišćenje planova i karata koji nisu puni detalja, naknada se plaća srazmjerno površini lista pod detaljom, i to 1/4, 1/2 ili 3/5 tarife za cijeli list.
2. Kada se, pored kopija na kartografskom papiru uzimaju kopije od istih listova na ozolid papiru za kopije na ozolid papiru, za kopije na ozolid papiru ne naplaćuje se naknada za korišćenje podataka premjera.
3. Naknada za kopije planova i karata naplaćuje se isto bez obzira da li kopija sadrži samo horizontalnu ili horizontalnu i visinsku predstavu terena.

6. Fotokopije

Tarifni broj 6.

Za korišćenje snimaka fotogrametrijskog snimanja, po snimku

7. Kopije detalja sa planova

Tarifni broj 7.

- a) za kopije detalja sa planova naknada se plaća po broju poena, i to:

1. do 10 poena
2. za svaki dalji poen preko 10 poena

- b) za kopije detalja sa planova kada se radi o većim objektima i parcelama, za koje nije moguće primijeniti način obračunavanja naknada, naknada za korišćenje se obračunava prema potrebnom vremenu za kopiranje, po satu

- c) ako se kopije planova izradene u smislu tačke a) i b) ovog Tarifnog broja dalje umnožavaju bilo kojom tehnikom, naknada za korišćenje podataka na ovim kopijama se ne plaća

- d) izvodi sa magnetnih traka ili diskova, katastra zemljišta i to:

1. za parcelu
2. za posjednika
3. za nosioca prava na nekretninama

- e) izvodi iz uspostave nove evidencije katastarske nekretnina, i to:

1. za posjednika
2. za parcelu

Plaća se DM **490**

3. za zgradu

0,10

Napomena uz Tarifni broj 7.

1. Pod brojem poena podrazumijeva se zbir broja decimetarskih kvadrata kopiranog detalja pomnožen sa 6, broj parcela i broj objekata.
2. Površina ispod jednog kvadratnog decimetra računa se kao cio kvadratni decimetar.
3. Naknada po tački a) pod 1. i 2. računa se odvojeno za svaki lokalitet.
4. Kada se kopira i visinska predstava terena, naknada se povećava za 100%.
5. Nezatvorene parcele smatraju se kao cijele parcele.

8. Statistički podaci

Tarifni broj 8.

a) za podatke o površinama, parcelama i kulturama kao i o katastarskom prihodu, i to:

- | | |
|--------------------------------------|-------|
| 1. za katastarsku opštinu | 17,70 |
| 2. za područje opštine zbirni podaci | 23,30 |
| 3. za teritorij RBiH zbirni podaci | 30,00 |

9. Indikacione skice i fotokopije planova

Tarifni broj 9.

a) samostalni geodetski privrednik ili preduzeće plaća za jedan dan korišćenja i to:

- | | |
|---|------|
| 1. za indikacionu skicu, po skici | 0,70 |
| 2. za fotokopiju planova razmjere 1:6250, 1:3125 i 1:1562,5, po planu | 0,70 |

3. Naknada za usluge

Tarifni broj 10.

Naknada za usluge naplaćuje se:

a) za kopije podataka geodetske osnove iz Tarifnog broja 1. u iznosu 10% od visine naknade utvrđene za korišćenje podataka iz tačke a) Tarifnog broja 1,

b) naknada za kopiranje i materijal za izradu kopije planova i karata nisu obuhvaćeni ovom Tarifom, a plaćaju se po cijeni koštanja koju formira ustanova ili preduzeće koje vrši te usluge,

c) ako korisnik obezbijedi materijal (transparent, folareks ili ozolid) naknada za usluge umanjuje se za 50%.

II

Naknada se uplaćuje u dinarskoj protuvrijednosti, na propisani uplatni račun kod Službe društvenog knjigovodstva Bosne i Hercegovine, po srednjem kursu koji utvrđuje i objavljuje Narodna banka Bosne i Hercegovine, na dan plaćanja.

III

Ova odluka stupa na snagu danom objavljivanja u "Službenom listu RBiH".

V broj 181/94
6. novembra 1994. godine
Sarajevo

Predsjednik
Vlade RBiH,
dr Haris Silajdžić, s. r.

Na osnovu člana 8. stav 1. Zakona o kontroli cijena ("Službeni list RBiH", br. 10/94 i 13/94), člana 4. stav 2. Zakona o porezu na promet duhanskih preradevina, alkoholnih i bezalkoholnih pića ("Službeni list RBiH", broj 15/94) i tačke II. Odluke o mjerama neposredne kontrole cijena određenih proizvoda i usluga od interesa za Republiku Bosnu i Hercegovinu ("Službeni list RBiH", broj 28/94), Vlada Republike Bosne i Hercegovine, donosi

ODLUKU

**O IZMJENAMA I DOPUNAMA ODLUKE O
FORMIRANJU MALOPRODAJNIH CIJENA
CIGARETA I DUHANSKIH PRERADEVINA U
PROMETU NA MALO**

I

U Odluci o formiranju maloprodajnih cijena cigareta i duhanskih preradevina u prometu na malo ("Službeni list RBiH", broj 28/94), u tački I u stavu 1. podtačka 2. u III kvalitetnoj grupi iza riječi "Safari" dodaju se riječi: "Bella 85, mm i Trend 85, mm".

II

U tački V iza riječi "uvoza" riječ "mogu" briše se, iza riječi "komada" riječ "da" briše se, i iza riječi "iznose" riječ "najviše" briše se.

III

U tački VI iza riječi "prometa" stavlja se tačka, a riječi: "od 7%", brišu se.

IV

Ova odluka stupa na snagu danom objavljivanja u "Službenom listu RBiH".

V broj 182/94
6. novembra 1994. godine
Sarajevo

Predsjednik
Vlade RBiH,
dr Haris Silajdžić, s. r.

491

Na osnovu člana 28. stav 2. Zakona o ministarstvima i drugim organima državne uprave Republike Bosne i Hercegovine ("Službeni list RBiH", broj 15/94), Vlada Republike Bosne i Hercegovine, donosi

RJEŠENJE

**O POSTAVLJENJU POMOĆNIKA MINISTRA
FINANSIJA - FINACIJA**

Za pomoćnika ministra finansija - financija postavlja se mr PETAR BOSNIĆ.

Ovo rješenje objaviti u "Službenom listu RBiH".

V broj 147/94
17. septembra 1994. godine
Sarajevo

Predsjednik
Vlade RBiH,
dr Haris Silajdžić, s. r.

492

Na osnovu člana 29. stav 5. Zakona o ustanovama ("Službeni list RBiH", br. 6/92, 8/93 i 13/94), Vlada Republike Bosne i Hercegovine, donosi

RJEŠENJE

**O IMENOVANJU DEKANA ŠUMARSKOG
FAKULTETA U SARAJEVU**

Za dekana Šumarskog fakulteta u Sarajevu imenuje se prof. dr VLADIMIR BEUS.

Ovo rješenje objaviti u "Službenom listu RBiH".

V broj 175/94
6. novembra 1994. godine
Sarajevo

Predsjednik
Vlade RBiH,
dr Haris Silajdžić, s. r.

493

Na osnovu člana 29. stav 5. Zakona o ustanovama ("Službeni list RBiH", br. 6/92, 8/93 i 13/94), Vlada Republike Bosne i Hercegovine, donosi

RJEŠENJE O IMENOVANJU DEKANA PRAVNOG FAKULTETA U SARAJEVU

Za dekana Pravnog fakulteta u Sarajevu imenuje se prof. dr KASIM BEGIĆ.
Ovo rješenje objaviti u "Službenom listu RBiH".

V broj 176/94
6. novembra 1994. godine
Sarajevo

Predsjednik
Vlade RBiH,
dr Haris Silajdžić, s. r.

494

Na osnovu člana 29. stav 5. i člana 34. stav 3. Zakona o ustanovama ("Službeni list RBiH", br. 6/92, 8/93 i 13/94), Vlada Republike Bosne i Hercegovine, donosi

RJEŠENJE O IMENOVANJU PREDSEDNIKA I ČLANOVA UPRAVNOG I NADZORNOG ODBORA PRIRODNO-MATEMATIČKOG FAKULTETA U SARAJEVU

1. Za predsjednika i članove Upravnog odbora Prirodno-matematičkog fakulteta u Sarajevu imenuju se:

- 1) dr EGVIN GIRT, predsjednik
- 2) GORDANA KNEŽEVIĆ, član
- 3) mr HASAN JAMAK, član
- 4) dr VLADIMIR MILIĆEVIĆ, član
- 5) dr SAFET NURKOVIĆ, član
- 6) PETAR SKERT, član
- 7) AVDO SOFRADŽIJA, član

2. Za predsjednika i članove Nadzornog odbora Fakulteta imenuju se:

- 1) dr SAFER MEDEDOVIĆ, predsjednik
 - 2) dr ZDRAVKO PUJIĆ, član
 - 3) dr GALIBA SIJARIĆ, član
3. Ovo rješenje objaviti u "Službenom listu RBiH".

V broj 177/94
6. novembra 1994. godine
Sarajevo

Predsjednik
Vlade RBiH,
dr Haris Silajdžić, s. r.

495

Na osnovu člana 28. stav 2. Zakona o ministarstvima i drugim organima državne uprave Republike Bosne i Hercegovine ("Službeni list RBiH", broj 15/94) i člana 28. stav 2. Zakona o ministarstvima i drugim organima državne uprave Federacije Bosne i Hercegovine ("Službene novine Federacije Bosne i Hercegovine", broj 2/94), Vlada Republike Bosne i Hercegovine i Federacije Bosne i Hercegovine, donosi

RJEŠENJE O POSTAVLJENJU POMOĆNIKA MINISTRA ZDRAVSTVA

Za pomoćnika ministra zdravstva postavlja se dr ZDRAVKO LUKIĆ.

Ovo rješenje objaviti u "Službenom listu RBiH" i "Službenim novinama Federacije BiH".

V broj 178/94
6. novembra 1994. godine
Sarajevo

Predsjednik
dr Haris Silajdžić, s. r.

496

Na osnovu tačke III Odluke o obrazovanju Komiteta za saradnju sa Ujedinjenim nacijama ("Službeni list RBiH", broj 6/94), Vlada Republike Bosne i Hercegovine, donosi

RJEŠENJE O IMENOVANJU PREDSEDNIKA, ZAMJENIKA PREDSEDNIKA I ČLANOVA KOMITETA ZA SARADNJU SA UJEDINJENIM NACIJAMA

1. Za predsjednika, zamjenika predsjednika i članove Komiteta za saradnju sa Ujedinjenim nacijama imenuju se:

- 1) dr HASAN MURATOVIĆ, predsjednik
- 2) BAKIR ALISPAHIĆ, zamjenik predsjednika
- 3) MUHAREM CERO, član
- 4) dr BOŽO LJUBIĆ, član
- 5) IBRAHIM KOLUDER, član
- 6) VLADISLAV POGARČIĆ, član
- 7) MUHAMED LEMEŠ, član

2. Ovo rješenje objaviti u "Službenom listu RBiH".

V broj 179/94
6. novembra 1994. godine
Sarajevo

Predsjednik
Vlade RBiH,
dr Haris Silajdžić, s. r.

497

Na osnovu člana 2. stav 3. Uredbe sa zakonskom snagom o platama i drugim ličnim primanjima radnika za vrijeme ratnog stanja ili u slučaju neposredne ratne opasnosti ("Službeni list RBiH", broj 5/93), Vlada Republike Bosne i Hercegovine, donosi

SAOPŠTENJE O VISINI PLATE ZA MJESEC SEPTEMBAR/RUJAN 1994. GODINE

Najniža plata za septembar/rujan 1994. godine iznosi 276 BHD.

Broj 011-1567/94
21. oktobra 1994. godine
Sarajevo

Sekretar
Vlade RBiH,
Safet Pašić, s. r.

498

Na osnovu člana 2. stav 3. Uredbe sa zakonskom snagom o platama i drugim ličnim primanjima radnika za vrijeme ratnog stanja ili u slučaju neposredne ratne opasnosti ("Službeni list RBiH", broj 5/93), Vlada Republike Bosne i Hercegovine, donosi

SAOPŠTENJE O VISINI PLATE ZA MJESEC OKTOBAR/LISTOPAD 1994. GODINE

Najniža plata za oktobar/listopad 1994. godine iznosi 388 BHD.

Broj 011-1600/94
6. novembra 1994. godine
Sarajevo

Sekretar
Vlade RBiH,
Safet Pašić, s. r.

Po izvršenom savjetovanju sa izvornim tekstom, utvrđeno je da se u tekstu Uredbe sa zakonskom snagom o novinskoj agenciji Bosne i Hercegovine ("Službeni list RBiH", broj 6/93) potkrala niže navedena greška, pa se, u smislu člana 114. Poslovnika Predsjedništva Republike Bosne i Hercegovine ("Službeni list SRBiH", broj 37/91 i "Službeni list RBiH", br. 5/92 i 23/93) daje

ISPRAVKA**UREDBE SA ZAKONSKOM SNAGOM O NOVINSKOJ
AGENCIJI BOSNE I HERCEGOVINE**

U članu 1. umjesto riječi "BH PRESS" treba da stoje riječi "BiH PRESS".

Broj 02-021-778/94
19. novembra 1994. godine
Sarajevo

Zamjenik
generalnog sekretara
Predsjedništva RBiH,
Alija Selimović, s. r.

Državni zavod sa statistiku

Na osnovu člana 85. tač. 1. do 11. Uredbe sa zakonskom snagom o računovodstvu ("Službeni list RBiH", broj 2/92), Državni zavod za statistiku, utvrđuje

KOEFICIJENTE**RASTA CIJENA I KOEFICIJENTE RASTA
TROŠKOVA ŽIVOTA U RBiH U
OKTOBRU/LISTOPADU 1994.**

1. Mjesečni koeficijent rasta cijena proizvođača industrijskih proizvoda u mjesecu oktobru/listopadu 1994. godine u odnosu na prethodni mjesec je 0,055.

2. Koeficijent rasta cijena proizvođača industrijskih proizvoda od početka godine do kraja oktobra/listopada je 4,260.

3. Koeficijent prosječnog mjesečnog rasta cijena proizvođača industrijskih proizvoda od početka godine do kraja oktobra/listopada je 2,380.

4. Koeficijent rasta cijena proizvođača industrijskih proizvoda u mjesecu oktobru/listopadu 1994. godine u odnosu na isti mjesec prethodne godine je 8,150.

5. Mjesečni koeficijent rasta cijena na malo u mjesecu oktobru/listopadu ove godine u odnosu na prethodni mjesec je -0,039.

6. Koeficijent rasta cijena na malo od početka godine do kraja oktobra/listopada je 2,020.

7. Koeficijent prosječnog mjesečnog rasta cijena na malo od početka godine do kraja oktobra/listopada je 1,380.

8. Koeficijent rasta cijena na malo u oktobru/listopadu 1994. godine u odnosu na isti mjesec prethodne godine je 4,450.

9. Koeficijent rasta prosječnih troškova života u oktobru/listopadu 1994. godine u odnosu na prosjek prethodne godine je 5,720.

Broj 160
7. novembra 1994. godine
Sarajevo

Direktor
dr Hasan Zolić, s. r.

**SAOPŠTENJE - SAOPĆENJE
O PROSJEČNOJ MJESEČNOJ PLATI ZA
SEPTEMBAR/RUJAN 1994. GODINE**

1. Prosječna plata po radniku u Republici Bosni i Hercegovini za mjesec septembar/rujan 1994. godine iznosi 666 BHD. U odnosu na prethodni mjesec indeks je 99,2.

2. Prosječna plata po radniku u privredi Republike Bosne i Hercegovine za mjesec septembar/rujan 1994. godine iznosi 585 BHD. U odnosu na prethodni mjesec indeks je 101,9.

3. Prosječna plata po radniku u vanprivredi Republike Bosne i Hercegovine za mjesec septembar/rujan 1994. godine iznosi 998 BHD. U odnosu na prethodni mjesec indeks je 100,8.

4. Prosječna plata po radniku u Republici Bosni i Hercegovini za period juli/srpanj - septembar/rujan 1994. godine iznosi

565 BHD, u odnosu na prethodni period indeks je 145,6. U istom periodu prošle godine prosječna plata iznosila je 59 BHD.

5. Prosječna plata po radniku u privredi Republike Bosne i Hercegovine za period juli/srpanj - septembar/rujan 1994. godine iznosi 503 BHD, u odnosu na prethodni period indeks je 135,9. U istom periodu prošle godine prosječna plata iznosila je 72 BHD.

6. Prosječna plata po radniku u vanprivredi Republike Bosne i Hercegovine za period juli/srpanj - septembar/rujan 1994. godine iznosi 797 BHD, u odnosu na prethodni period indeks je 107,0. U istom periodu prošle godine prosječna plata je 43 BHD.

7. Zajamčena plata za period oktobar/listopad - decembar/prosinac 1994. godine predstavlja 70% prosječne plate privrede Republike Bosne i Hercegovine za period juli/srpanj - septembar/rujan, što iznosi 352 BHD.

Broj 163
10. novembra 1994. godine
Sarajevo

Direktor
dr Hasan Zolić, s. r.

Po izvršenom savjetovanju sa izvornim tekstom, utvrđeno je da se u tekstu Koeficijenata rasta cijena i koeficijenata rasta troškova života u Republici Bosni i Hercegovini u septembru/rujnu 1994. godine, koji je objavljen u "Službenom listu RBiH", broj 29/94, potkrala tehnička greška, pa se daje

ISPRAVKA

Koeficijenata rasta cijena i koeficijenata rasta troškova života u Republici Bosni i Hercegovini u septembru/rujnu 1994. godine u tački 5. umjesto broja "0,170" treba da stoji broj "-0,170".

Broj III/04-062.4-304/2
11. novembra 1994. godine
Sarajevo

Direktor
dr Hasan Zolić, s. r.

SLUŽBENE OBJAVE**PROGLAŠENJE UMRLIM**

Osnovni sud I u Sarajevu poziva HADŽIOMERSPAHIĆ SVJETLANA sina Rize i majke Habibe rođene Afgan rođen 17. 4. 1952. u Sarajevu da se javi ovom sudu u roku od 30 dana od dana objavljivanja oglasa.

U isto vrijeme poziva se svaka osoba koja ma šta zna o životu ili smrti nestalog Hadžiomerspahić Svjetlana da se javi ovom sudu u istom roku. Nestali Hadžiomerspahić Svjetlan nestao je dana 6. 7. 1992. na Kobiljoj glavi kod Sarajeva i ništa se ne zna o njegovom životu ili smrti. Po isteku roka oglašavanja nestali Hadžiomerspahić Svjetlan biće proglašen umrlim.
(so-370/94)

Osnovni sud I u Sarajevu, i to sudija Sadović Amira u vanparničnom predmetu predlagača Krajina Behije, radi utvrđivanja smrti, člana 65. Zakona o vanparničnom postupku, izdaje

OGLAS

KRAJINA ABDULAH, rođen 15. 1. 1934. u Rogatici, sin Ahmeta, sa posljednjim prebivalištem u Rogatici, ubijen dana 15. 6. 1992. godine.

Poziva se sam Krajina Abdulah i svako drugo lice koje ma šta zna o smrti Krajina Abdulaha da se javi ovom sudu u roku od 20 dana od dana objavljivanja oglasa u "Službenom listu RBiH".

Po proteku roka od 20 dana sud će donijeti odluku po prijedlogu za dokazivanje smrti.
(so-378/94)

Osnovni sud II Sarajevo i to sudija Mrdović Fatima u vanparničnom predmetu predlagača Odobašić Fazile iz Sarajeva, radi dokazivanja smrti Odobašić Fikreta, na osnovu čl. 62. i 65. Zakona o vanparničnom postupku R BiH, izdaje

O G L A S

ODOBAŠIĆ FIKRET, sin Huseina, rođen 2. 12. 1937. g. u Bos. Petrovcu sa posebnim prebivalištem u Sarajevu, ul. Nusreta Prohića broj 19, navodno je poginuo 28. jula 1993. godine na Igmanu, reon Proskoka.

Poziva se sam Odobašić Fikret kao i svako drugo lice koje bilo šta zna o njegovom životu ili njegovoj smrti da se u roku od 30 dana od dana objavljivanja oglasa u Službenom listu R BiH javi Osnovnom sudu II Sarajevo ul. Šenoine broj 1, soba broj 310/III.

Po isteku roka od 30. dana sud će donijeti odluku po prijedlogu za dokaz smrti. (so-379/94)

Osnovni sud I u Sarajevu poziva BUNJO BEHUDINA, sin Mehmeda i majke Šemse rođene Hodović, rođen 28. 10. 1957. g. u selu Kacidoli SO Priboj da se javi ovom sudu u roku od 30 dana od dana objavljivanja oglasa.

U isto vrijeme poziva se svaka osoba koja ma šta zna o životu ili smrti nestalog Bunjo Behudina da se javi ovom sudu u istom roku.

Nestali Bunjo Behudin nestao je 11. 2. 1992. g. u mjestu Baricama kod Sarajeva i ništa se ne zna o njegovom životu ili smrti.

Po isteku roka oglašavanja nestali Bunjo Behudin bit će proglašen umrlim. (so-389/94)

PEČATI

Oglašava se nevažećim okrugli pečat, promjera 3 cm slijedećeg sadržaja: Preduzeće u privatnoj svojini za robni promet i poslovne usluge "SAMAS" Sarajevo p. o. (so-386/94)

PUTNE ISPRAVE

Ministarstvo unutrašnjih poslova objavljuje nevažećom slijedeću putnu ispravu:

1. Putna isprava broj: BH 401390 izdatu 28. 03. 1994. godine u Ambasadi R BiH u Štokholmu na ime KALEŠIĆ RAIF. (so-371/94)

Ministarstvo unutrašnjih poslova objavljuje nevažećim slijedeće putne isprave:

1. Putna isprava broj: BH 250226 izdatu 20. 10. 1993. godine u Generalnom konzulatu R BiH u Štutgartu na ime SMAJIĆ AZA.

2. Putna isprava broj: BH 188508 izdatu 27. 07. 1993. godine u Generalnom konzulatu R BiH u Štutgartu na ime TUFEKČIĆ SEMKA.

3. Putna isprava broj: BH 123733 izdatu 18. 06. 1993. godine u Ambasadi R BiH u Bonu na ime OMERČEVIĆ NERMIN.

4. Putna isprava broj: BH 250729 izdatu 22. 10. 1993. godine u Generalnom konzulatu R BiH u Štutgartu na ime PEKIĆ SADETA.

5. Putna isprava broj: BH 353198 izdatu 03. 02. 1994. godine u Generalnom konzulatu R BiH u Štutgartu na ime BRISTIĆ MALKA. (so-372/94)

Ministarstvo unutrašnjih poslova objavljuje nevažećim slijedeću putnu ispravu:

1. Putna isprava broj: BH 042075 izdatu 25. 12. 1992. godine od strane SJB Travnik na ime SOFTIĆ SENAD. (so-373/94)

Ministarstvo unutrašnjih poslova objavljuje nevažećim slijedeće putne isprave:

1. Putna isprava broj: BH 189005 izdatu 30. 07. 1993. godine u Generalnom konzulatu R BiH u Štutgartu na ime HERENDA BAHRUDIN.

2. Putna isprava broj: BH 340198 izdatu 22. 11. 1993. godine u Generalnom konzulatu R BiH u Štutgartu, na ime HAZIRI DŽEMALUDIN.

3. Putna isprava broj: BH 261144 izdatu 29. 09. 1993. godine u Generalnom konzulatu R BiH u Štutgartu na ime JAHIĆ AVDIJA.

4. Putna isprava broj: BH 264826 izdatu 16. 10. 1993. godine u Generalnom konzulatu R BiH u Štutgartu na ime JUZBAŠIĆ PEMBA.

5. Putna isprava broj: BH 442447 izdatu 09. 09. 1993. godine u Generalnom konzulatu R BiH u Štutgartu na ime BEGIĆ DAMIR.

6. Putna isprava broj: BH 146177 izdatu 14. 09. 1993. godine u Generalnom konzulatu R BiH u Štutgartu na ime ADENI DŽEVAT.

7. Putna isprava broj: BH 260487 izdatu 24. 09. 1993. godine u Generalnom konzulatu R BiH u Štutgartu na ime KRYEZIU MUHAREM. (so-374/94)

Ministarstvo unutrašnjih poslova objavljuje nevažećim slijedeće putne isprave:

1. Putna isprava broj: BH 134482 izdatu 20. 08. 1993. godine u Ambasadi R BiH u Bonu na ime MAŠIĆ HASAN.

2. Putna isprava broj: BH 165119 izdatu 22. 12. 1993. godine u Ambasadi R BiH u Bonu na ime KOKOR ENEZ.

3. Putna isprava broj: BH 126927 izdatu 15. 07. 1993. godine u Ambasadi R BiH u Bonu na ime HADŽIRIĆ RASIM.

4. Putna isprava broj: BH 407497 izdatu 18. 03. 1993. godine u Ambasadi R BiH u Beču na ime OKANOVIĆ JADRANKA.

5. Putna isprava broj: BH 210391 izdatu 06. 09. 1993. godine u Ambasadi R BiH u Ljubljani na ime ČIZMIĆ HIDAJET.

6. Putna isprava broj: BH 228343 izdatu 25. 10. 1993. godine u Ambasadi R BiH u Zagrebu na ime ĐURIČIĆ MILAN.

7. Putna isprava broj: BH 133231 izdatu 12. 05. 1993. godine u Ambasadi R BiH u Bonu na ime KOVAČEVIĆ ZIJAD.

8. Putna isprava broj: BH 289622 izdatu 30. 04. 1994. godine u Ambasadi R BiH u Zagrebu na ime ALDOBAŠIĆ HIMZO.

9. Putna isprava broj: BH 174759 izdatu 02. 02. 1994. godine u Ambasadi R BiH u Bonu na ime JOZIĆ KARMELA.

10. Putna isprava broj: BH 174762 izdatu 02. 02. 1994. godine u Ambasadi R BiH u Bonu na ime JOZIĆ JOSIP.

11. Putna isprava broj: BH 174761 izdatu 02. 02. 1994. godine u Ambasadi R BiH u Bonu na ime JOZIĆ SANJA.

12. Putna isprava broj: BH 174763 izdatu 02. 02. 1994. godine u Ambasadi R BiH u Bonu na ime JOZIĆ TANJA.

13. Putna isprava broj: BH 123640 izdatu 15. 06. 1994. godine u Ambasadi R BiH u Bonu na ime DŽINOVIĆ SABINA.

14. Putna isprava broj: BH 148310 izdatu 13. 09. 1994. godine u Ambasadi R BiH u Bonu na ime IMŠIROVIĆ HADŽIRA. (so-375/94)

Ministarstvo unutrašnjih poslova objavljuje nevažećim slijedeću putnu ispravu:

Putna isprava broj: BH 041411 izdatu 08. 02. 1993. godine u Tešnju, na ime SALKIČEVIĆ NADŽAD. (so-382/94)

Ministarstvo unutrašnjih poslova objavljuje nevažećim slijedeću putnu ispravu:

Putna isprava broj: BH 031770 izdatu 12. 04. 1993. godine u Tešnju, na ime HASANBAŠIĆ SUAD. (so-383/94)

LIČNE ISPRAVE I DOKUMENTI

DA BI SE IZBJEGLA SVAKA ZLOUPOTREBA
SLIJEDEĆA DOKUMENTA SE OGLAŠAVAJU NEVAŽEĆIM

SARAJEVO

Cvitešić Tomislav, radna knjižica br. 70198 izdata od SO Centar Sarajevo	5294	Kovačević Amir, radna knjižica izdata od SO Novi grad Sarajevo	5319
Šalaka Muharem, pasoš BH 662551 izdata 25. 5. 1994. godine od CSB Sarajevo	5295	Čizmedžić Dino, radna knjižica izdata od SO Ilidža	5320
Šabanović Selim, vojna knjižica br. 1233308 izdata od SNO Stari grad Sarajevo	5296	Tvica Džemila, radna knjižica izdata od SO Ilidža	5321
Duliman Kemal, diploma Pravnog fakulteta Sarajevo	5297	Zaimović Dragan, radna knjižica izdata od SO Stari grad Sarajevo	5322
Nikolić Zvonimir, radna knjižica izdata od SO Centar Sarajevo	5298	Šahinpašić Vahidin, vojna knjižica br. 1986566 izdata od SNO Centar Sarajevo	5323
Fašalić Velimir, radna knjižica izdata od SO Novo Sarajevo	5299	Mrvajl Zora, radna knjižica izdata od SO Centar Sarajevo	5324
Žiško Mustafa, vojna knjižica br. 1982428 izdata od SNO Stari grad Sarajevo	5300	Rajkić Refik, vojna knjižica br. 3469182 izdata od SNO Novi grad Sarajevo	5325
Dugum Merdžada, uvjerenje br. 1268/81 o polož. ispitima izdato od Filozofskog fakulteta Sarajevo	5301	Novotni Nevenko, radna knjižica izdata od SO Novo Sarajevo	5326
Bijedić Džemal, pasoš br. 298944 od 14. 12. 1993. god. izdat od MUP Sarajevo	5302	Hodžić-Sijamić Enisa, diploma Ekonomskog fakulteta Sarajevo, odsjek društvene ekonomije	5327
Krupalija Amer, vojna knjižica br. 1981722 izdata od SNO Centar Sarajevo	5303	Dimovski Dragi, radna knjižica izdata od SO Novo Sarajevo	5328
Held Srećko, vojna knjižica br. 1984828 izdata od SNO Centar Sarajevo	5304	Hrvat Fajko, vojna knjižica br. 1155349 izdata od SO Novo Sarajevo	5329
Hrnjić Ehlimana, diploma Medicinskog fakulteta Sarajevo	5305	Vučijak Sabina, svjedoč. od I do III razr. Škole za primijenjene umjetnosti Sarajevo	5330
Kukuljac Semir, vojna knjižica br. 3458451 izdata od SNO Novi grad Sarajevo	5306	Džambegović Ibro, radna knjižica izdata od SO Stari grad Sarajevo	5331
Babović Edin, radna knjižica izdata od SO Bileća	5307	Ceribašić Hasan, radna knjižica izdata od SO Bosanski Šamac	5332
Bajrić Rašid, vojna knjižica br. 1236598 izdata od SNO Stari grad Sarajevo	5308	Galeb Biljana, diploma Prirodno-matematičkog fakulteta Sarajevo, smjer fizika	5333
Jusić Schveta, radna knjižica izdata od SO Ilidža	5309	Ostojić Gordana, diploma Više ekonomsko-komercijalne škole Sarajevo	5334
Škamo Šemsudin, vojna knjižica br. 3472344 izdata od SNO Novi grad Sarajevo	5310	Plakalo Husnija, vojna knjižica br. 1233023 izdata od SNO Stari grad Sarajevo	5335
Rizvo Edib, diploma Više medicinske škole Sarajevo	5311	Gamal Abu Oudah, diploma Medicinskog fakulteta Zagreb	5336
Mustafić Sejdaliya, diploma Filozofskog fakulteta Sarajevo	5312	Akram Abu Oudah, diploma Stomatološkog fakulteta Zagreb	5337
Osmanović Emin, diploma i svjedoč. od I do III razr. Ugostiteljske škole Sarajevo, smjer konobar	5313	Dozić Namik, pasoš BH 188979 od 25. 7. 1993. god. izdat u Generalnom konzulatu u Štutgartu	5338
Bogdanović Vlasta, radna knjižica izdata od SO Novo Sarajevo	5314	Opštinski sekretarijat odbrane Bugojno oglašava nevažećom vojnu knjižicu broj 46 27 2572151 izdatu na ime ŽIVIC Nezir HUSO rođen 1974. godine. (so-365/94)	5339
Hadžibegović Zijah, čekovna kartica br. 0991953 izdata od PB Sarajevo	5315	Čevro Miralem, vojna knjižica br. 1157344 izdata od SNO Novo Sarajevo (so-377/94)	5340
Zulić Edina, diploma Više medicinske škole Sarajevo, smjer laborant	5316	Simić Slobodan, vojna knjižica br. 1158326 izdata od SNO Novi grad Sarajevo	5341
Nurković Sado, radna knjižica izdata od SO Rožaje, C. Gora	5317	Mahović Nihad, vojna knjižica br. 1232552 izdata od SNO Stari grad Sarajevo (so-390/94)	5342
Stovrić Uzeita, čekovna kartica br. 0949621 izdata od PB Sarajevo	5318		


SADRŽAJ

466	Zakon o potvrđivanju uredbi sa zakonskom snagom	531	486	Odluka o potvrđivanju odluka o izboru, imenovanju i razrješenju, koje je predsjedništvo RBiH donijelo u funkciji Skupštine RBiH	552
467	Zakon o proglašenju Zakona o produženju mandata odbornika i poslanika u skupštinama društveno-političkih zajednica i funkcionera koje skupštine društveno-političkih zajednica biraju ili imenuju	532	487	Odluka o davanju saglasnosti na Odluku o izmjenama i dopunama Statuta Akademije nauka i umjetnosti Bosne i Hercegovine	553
468	Zakon o preduzećima	532	488	Odluka o visini naknade za izvršeni veterinarsko-sanitarni pregled u prometu preko granice Republike Bosne i Hercegovine	553
469	Zakon o dopunama Zakona o ministarstvima i drugim organima državne uprave Republike Bosne i Hercegovine	541	489	Odluka o izmjenama Odluke o visini naknade za korišćenje podataka premjera i katastra nekretnina	554
470	Zakon o pretvorbi društvene svojine	542	490	Odluka o izmjenama i dopunama Odluke o formiranju maloprodajnih cijena cigareta i duhanskih preradevina u prometu na malo	556
471	Zakon o izmjenama i dopunama Zakona o srednjoj školi	543	491	Rješenje o postavljenju pomoćnika ministra finansija - financija	556
472	Zakon o vojnim školama za vrijeme ratnog stanja	543	492	Rješenje o imenovanju dekana Šumarskog fakulteta u Sarajevu	556
473	Zakon o udruživanju građana	546	493	Rješenje o imenovanju dekana Pravnog fakulteta u Sarajevu	557
474	Odluka o razrješenju i izboru sudija redovnih sudova	549	494	Rješenje o imenovanju predsjednika i članova Upravnog i Nadzornog odbora Prirodno-matematičkog fakulteta u Sarajevu	557
475	Odluka o razrješenju sudija u okružnim vojnim sudovima	549	495	Rješenje o postavljenju pomoćnika ministra zdravstva	557
476	Odluka o razrješenju i imenovanju javnog tužioca i zamjenika javnih tužilaca	549	496	Rješenje o imenovanju predsjednika, zamjenika predsjednika i članova Komiteta za saradnju sa Ujedinjenim nacijama	557
477	Odluka o imenovanju zamjenika okružnog vojnog tužioca u Okružnom vojnom tužilaštvu u Sarajevu	550	497	Saopštenje o visini plate za mjesec septembar/rujan 1994. godine	557
478	Odluka o imenovanju pet članova Upravnog odbora Radio-televizije Bosne i Hercegovine	550	498	Saopštenje o visini plate za mjesec oktobar/listopad 1994. godine	557
479	Odluka o imenovanju članova Programskog vijeća Radio-televizije Bosne i Hercegovine	550		Ispravka Uredbe sa zakonskom snagom o Novinskoj agenciji Bosne i Hercegovine	557
480	Odluka o razrješenju zamjenika ministra obrazovanja, nauke, kulture i sporta u Vladi Republike Bosne i Hercegovine	551		DRŽAVNI ZAVOD ZA STATISTIKU	
481	Odluka o imenovanju zamjenika ministra obrazovanja, nauke, kulture i sporta u Vladi Republike Bosne i Hercegovine	551		Koeficijenti rasta cijena i koeficijenti rasta troškova života u RBiH u oktobru/listopadu 1994. godine	558
482	Odluka o potvrđivanju odluka kao opštih akata koje je Predsjedništvo Republike Bosne i Hercegovine donijelo u funkciji Skupštine Republike Bosne i Hercegovine	551		Saopštenje - saopćenje o prosječnoj mjesečnoj plati za septembar/rujan 1994. godine	558
483	Odluka o preuzimanju prava i obaveza osnivača prema Filozofskom fakultetu u Tuzli	551		Ispravka koeficijenata rasta cijena i koeficijenata rasta troškova života u RBiH u septembru/rujnu 1994. godine	558
484	Odluka o preuzimanju prava i obaveza osnivača prema Defektološkom fakultetu u Tuzli	551			
485	Odluka o davanju saglasnosti za pripajanje muzeja i zasjedanja AVNOJ-a u Bihaću regionalnom muzeju "Pounja" u Bihaću	552			

**U IZDANJU NOVINSKO-IZDAVAČKE
ORGANIZACIJE SLUŽBENI LIST R BiH BROŠURA:**



**ZAKON O
PREDUZEĆIMA**



**ZAKON O
PRETVORBI DRUŠTVENE SVOJNE**



**NARUDŽBE: NIO SLUŽBENI LIST R BiH,
SARAJEVO, Magribija 3 ili Poslovnica, MALTA 21**

SLUŽBENI LIST
FEDERALNE BOSNE I HERCEGOVINE

	Srijeda, 20. juni 1945.	
Broj 1	Sarajevo	God. I

Na strani 1. objavio je

REZOLUCIJU
ZEMALJSKOG ANTIFAŠISTIČKOG VIJEĆA
NARODNOG OSLOBOĐENJA
BOSNE I HERCEGOVINE

od 26. novembra 1943. godine

Izdavač: Novinsko-izdavačka organizacija Službeni list R BiH - Sarajevo, Ulica Magribija 3 - Poštanski fah 3 - Direktor i odgovorni urednik: Mehmedalija Huremović - Telefoni - direktor: 663-470, fax 663-470 - Redakcija i Pretplata: 663-471 - Računovodstvo: 651-257 - Poslovnica, MALTA 21, telefon 657-441 - Akontacija pretplate se utvrđuje kvartalno, a uplata se vrši UNAPRIJED u korist računa: 10100-603-1396 za dinarsko poslovanje i računa: 10100-603-639 za devizno poslovanje - Grafička priprema: NIO Službeni list R BiH Sarajevo - Štampa: »OKO« dd sa p. Sarajevo - Za štampariju Rasim Rapa - Reklamacije za neprimljene brojeve primaju se 20 dana od izlaska lista.